

晚晴籜詩匯

第三八册

晚晴錄詩匯卷九十八目錄

黃景仁 三十四首

李憲璣 十一首

李憲嵩 四首

李憲喬 二十首

李詒珩 一首

單可惠 五首

茹綸常 二十一首

吳進 十八首

吳詢 十一首

嚴光祿 九首

沈范孫 六首



晚晴後詩匯卷九十八

徐世昌

黃景仁字漢鏞一字仲則武進人諸生官縣丞有兩當

軒集

洪北江曰黃二尹詩如咽露秋蟲舞風病鶴吳穀  
人曰玩其旨趣原本風騷清窈之思激哀於林樾雄  
宕之氣鼓怒於海濤吳蘭雪曰如仙人張樂音外  
有音名將用兵法外有法翁覃溪曰沈鬱清壯鏗  
鏘出金石試摘一二語  
可通風雲而泣鬼神  
詩話兩當軒天才曠逸五言古詩初擬漢魏微嫌著  
述後乃乞盪唐宋大家所造益進以七言歌行爲最  
著少年名作雅近謫仙其善者豪宕感激韻概俱勝  
如憑虛御風不可捉摸而頽放淺滑時亦不免入都  
後作頗致力昌黎東坡之間蹊徑一變實較專學太  
白爲優其縱橫自如無意不達真若淚流鮫客悉化  
明珠米撇麻姑俱成丹粒而哀筋激管乏厚重安徐  
之致雖爲境迫亦露促徵人窮詩耶詩窮人耶玉芝  
堂照其詩云願子養疴暇時復御絢素博  
聞既可向平心亦有功眞知仲則者也

觀潮行

即開卷首固考才一十二

客有不樂游廣陵卧看八月秋濤興偉哉造物此巨觀海  
水直挾心飛騰溟溟萬萬夙未届對此茫茫入埏隘才見  
銀山動地來已將赤岸浮天外碎巖礎岳萬穴號雌吐雄  
吟六節搖豈其乾坤果呼吸乃與晦朔爲盈消殷天怒爲  
排山入轉眼西追日輪及一信將無渤澥空再來或恐鴻  
濛溼唱歌踏浪輸吳儂會齋何物邀海童答言三千水犀  
弩至今猶敢攖其鋒我思此語等兒戲員也英靈實南避  
只合回頭撼越山那因抉目仇吳地吳顛越蹶會幾時前  
胥後種誰見知潮生潮落自終古我欲停杯一問之

後觀潮行

海風捲盡江頭葉沙岸千人萬人立怪底山川忽變容又

報天邊海潮入鷗飛艇亂行雲停江亦作勢如相迎鷺毛  
一白尙天際傾耳已是風霆聲江流不合幾回折欲折濤  
頭如折鐵一折平添百丈飛浩浩長空舞晴雪星馳電激  
望已遙江塘十里隨低高此時萬戶同屏息想見窗櫺齊  
動搖潮頭障天天亦暮蒼茫卻望潮來處前陣纔平羅剎  
磯後來又沒西興樹獨客弔影行自愁大地與身同一浮  
乘槎未許到星闕採藥何年傍祖洲賦罷觀潮長太息我  
尙輸潮歸卽得回首重城鼓角哀半空純作魚龍色

春晝曲

楊花飛游絲颺兩地相逢不相讓畢竟楊花性更柔因風  
復上楊枝上游絲一縷當空垂欲落不落花裝裝須臾駐  
向花陰去有意尋之不知處楊花飄蕩絲纏綿游子心傷

望遠天寄語高樓休極目鳥嘯花落自年年

過馬氏宮址

纔從宮樹聽嘯鳥旋見荒臺叫鷓鴣不用官家親飲馬一鞭已塞洞庭湖

長驅紅粉出荆關舊日承恩數阿蠻老大飄零人不識月明低唱望家山

新涼曲

聞道邊城苦霏霏八月霜憐君鐵衣冷不敢愛新涼

春暮呈容甫

先生吟太苦終日閉荆關我亦詩窮者邀君數往還對牀聽夜雨分枕夢青山一任春江上流紅萬點殷

太白墓

束髮讀君詩今來展君墓清風江上灑然來我欲因之寄  
微慕嗚呼有才如君不免死我固知君死非死長星落地  
三千年此是昆明劫灰耳高冠岌岌佩陸離縱橫擊劍胸  
中奇陶鎔屈宋入大雅揮灑日月成瑰詞當時有君無著  
處卽今遺躅猶相思醒時兀兀醉千首應是鴻濛借君手  
乾坤無事入懷抱只有求仙與飲酒一生低首惟宣城墓  
門正對青山青風流輝映今猶昔更有灞橋驢背客賈島墓亦  
在側此間地下真可觀怪底江山總生色江山終古月明裏  
醉魄沈沈呼不起錦袍畫舫寂無人隱隱歌聲繞江水殘  
膏賸粉灑六合猶作人間萬餘子與君同時杜拾遺窆石  
卻在瀟湘湄我昔南行曾訪之衡雲慘慘通九疑卽論身  
後歸骨地儼與詩境同分馳終嫌此老太憤激我所師者



非公誰人生百年要行樂一日千杯苦不足笑着樵牧語  
斜陽死當埋我茲山麓

上朱筍河先生

先生卓然坐虎皮旁羅賓從皆瑰奇珠光劍氣紛陸離貢  
之玉堂當世希如余卷曲樗散資不可無一聊備遺公言  
我欲拂拭之金沙同冶吾能治退而喜也心然疑指胸兀  
兀前致詞嗟哉小子幼苦飢典書易米供衰慈草間咄咄  
哦惡詩自爲其知曾無師公名束髮心已知三千里外無  
見期義興兩龔語我私言公相士無成規埽門求見君無  
遲我時唯唯神魂馳聚米不遂徒嗟咨竭來乞食江之湄  
頭如蓬葆衣塵緇日日面壁愁孤羈忽聞公至樂不支徑  
爾投刺趨階墀不用溫簡揖路歧豁然霽色雲霧披意氣

傾倒山可移誘我力學言如飴感激真乃零涕洩賓朋暇  
日羅盤厄牆頭酒過梁果垂忘情畧分兼娛嬉公也環顧  
掀髯髭不惜百妍間一媿於時歲景窮崦嵫寒灰忽爾逢  
春熙恩遇已極心轉危一身塊然百不宜兩手只解霜螯  
持漂零落魄志業隳漸恐化兩難爲施他時荆樑從芟夷  
卽是此日牛醫兒雖然一事願脫錐長謝乃敢終其辭假  
如公有煙霞思此必弟子相追隨前驅猿猴後麕麋攜囊  
入雲採苓芝剝刷幽怪窮險巖佐公巨筆揮淋漓此則不  
敢多讓誰公聞此言顧我嘻小子狂矣言無稽言雖無稽  
心不欺春葵只有傾陽枝作詩呈公公解頤謂我詩筆猶  
可爲十年吟苦霜鬢絲一編吐氣今其時

筍河先生偕宴太白樓醉中作歌

紅霞一片海上來，照我樓上華筵開。傾觴綠酒忽復盡，樓中謫仙安在哉。謫仙之樓樓百尺，筇河夫子文章伯。風流髣髴樓中人，千一百年來。此客是日江上同雲開，天門淡掃雙蛾眉。江從慈母磯邊轉，潮到然犀亭下回。青山對面客起舞，舞彼此青蓮。一坏土若論七尺歸蓬蒿，此樓作客山是主。若論醉月來江濱，此樓作主山作賓。長星動搖若無色，未必常作人間魂。身後蒼涼盡如此，俯仰悲歌亦徒爾。杯底空餘今古愁，眼前忽盡東南美。高會題詩最上頭，姓名未死重山邱。請將詩卷擲江水，水定不與江東向流。

客夜

空館綠苔閉步看，珠斗斜移牀隨落。月滅燭對孤花水調，鄰家笛雷音夢裏。車離憂損年少頓袖一長嗟。

慈光寺前明鄭貴妃袞裝歌

山僧篝火登佛樓發篋示我前朝物水田一襲鏤彩成光  
燄至今猶未歇嶺猿睥睨山禽驚想見一騎中官擎當時  
佞佛成間教九蓮衍得椒房名昭華寵占六宮冠十方建  
寺誰能爭是日君心眷如意宛轉星前誓神器久看幻海  
漫陰氛可柰廷臣與家事神廟移歸玉合空百劫難添靈  
餘字從可添絲繡佛龕誰教結習猶眈眈漸報蛾羣起河  
北尙聞薦稅賜淮南轉眼身肥不能走賊前請命嗟何有  
可憐佛遠呼不聞有福祈來付杯酒洛陽宮殿安在哉珠  
襦玉匣飛成灰猶餘此物鎮初地空山閱得滄桑來君不  
見南朝三百六十寺至今一一荒煙裏又不見蕭梁同泰  
何崔魏朝聞舍身夕被圍銅駝荆棘尋常見何論區區一

納衣

黃山尋益然和尚塔不得借邵二雲作

眼界徹上下忠義不可逃大覺上上乘立脚宜堅牢明季  
益然師大節邱山高夙業秉奇慧四大窮秋毫偶然俯塵  
世怨水流滔滔置身君父間窮數百六遭二十舉孝廉撫  
事心忉忉憤此蛾子蠶發篋窮豹韜永嘉渡倉卒內難紛  
如麓奇禍知不遠手少尺柄操傾家結流亡破膽同煎熬  
杭睦越嶠戶浙水爲長濠一一聚米籌夜卧常枕破建業  
一失守奮呼驟霜鷲思文入汀漳遙應鳴金鼙草間拜郎  
爵轉戰折戟裁一舉事不成天命堪哀替揚帆度浙海草  
草揮旌旄軍中援司馬慷慨君恩叨左支復右紕絲盡不  
可纒填海有精衛負陸無巨鼈膠舟再淪覆隻影竄棘蒿

全身入西竺從此離塵囂  
誅茅吳山顛樾黑峯崩  
瘡癩洗澗瀑劍術教猿猱  
夜誦感石裂泉聲應嘈嘈  
接食鳥入手食罷仍翔翱  
靈異難殫述一二傳無詔  
從子故鄉來短衣縛祇裯  
迎之返黃海卓錫觀雲濤  
中途與相約歸可語爾曹  
五日當過我相待留濁醪  
如期眾畢集語意悲且豪  
長歌以當哭歌旨擬楚騷  
歌罷起如室眾意皆驚怪  
排闥入相視跌坐衣垂縑  
呼之已圓寂是日風怒饕  
挂壁何所有血汗留戰袍  
始知西來旨成佛不放刀  
撲實得頭地可與羣魔鏖  
低眉與努目一理事不勞  
感激激壯士心聞者皆悲  
號曾傳瘞塔所卽在茲山  
皋萬索不可得但見狐鼠  
嗥嗟嗟長虹氣深閉林樨  
慘空山一俯仰薦爾無溪毛

橫江阻風

洲若香消岸荻秋離人虛繫五更舟曉來誰唱橫江曲惡  
浪無情也白頭

歸燕曲

玉露零階葉飄井巢燕差池去無影別路三千紫塞長秋  
風一夜烏衣冷可憐欲別更徘徊暮氣繁華眼倦開易主  
樓臺常似夢依人心事總如灰珠簾十二斜陽下淒涼幾  
闋流紅卸昔日拋花散綺筵此時掠草辭歌榭海國回頭  
霧百重可應魂戀舊房櫳玉京臂冷紅絲斷神女釵歸錦  
合空亦有江南未歸客年年社日曾相識故家子弟半飄  
零蘆花滿地頭俱白朱雀航邊伴侶稀鬱金堂上故巢非  
拋殘一樣新團扇辛苦三春舊舞衣感恩幾輩同闕盼忍  
待明年更相見一任泥拋落月梁那堪門掩無人院伯勞

東去雁南來百徧相呼誓不回  
天空自有低飛處不是同心  
莫浪猜

桐城懷方仲履昆季

曾於官廨識機雲感我風情似薄醺  
到枕岳鐘晨共被捲簾湘月夜添薰  
冶游何處青驄騎醉墨猶存白練裙  
鎮日龍眠山翠裏獨吟秋樹不逢君

塗山禹廟

鐵花已繡支祈肢閃尸罔象逃鞭鞘  
文命治水河精教玉斗熒胷星冠顛  
夢中飲河不用馳庚辰亥豎供趙趨  
奚仲挾策驅轆轤趨風白水躬曲勺元圭  
乃得天貺倂娶塗舊國山曉曉日暮失  
嗣心孔淑祥狐候立風尾捎南妾歌始  
正不咬出門那顧兒嘒唼台桑莽莽雲  
氣窳斷山出脈水



納脣蠙珠吐孕璞剖胞精餓浮爍波蒸烈作貢用逐橘袖  
包日月拱璧霓垂旃典瑞輯玉爭來趁樂作言產兼沂巢  
趨風振珮歛衽稍戕戕冠冕參閭爰更攝荒邈來圻郊貫  
曾長肱目或兌操蛇衣卉顏塗豹兕離僣佻聲嗷嗷窳窳  
首龍雕題鮫或乘飛黃髮垂髻或乘騶吾駕神蛟干詭萬  
狀窮撮抄各望聲教奔如麋有不用命遭擊拑汪罔骨軸  
專車拋桐柳血漉穀不苞省方用代重瞳庖威爽萬劫留  
巖坳越三載會山登茅記傳兩地爭饒饒編年豕竹差不  
消辛壬癸甲史筆譟兩日生子後所嘲眾論概勿深推敲  
黃熊怒氣餘咆哮驚軀鹿足驅銀泡女媧化石立地膠風  
蕩日暈睛微窅宮殿相望同豁庠承塵玉座垂蟠峭松耶  
柏耶蚪龍梢歲時雜沓神巫跑羅列百戲喧鐘鏡肥羊滿

楚牛折炮至今能白屈薦着餘愴尙與人心交靈旗肅肅  
風颯颯送迎曲短神無聲

稚存從新安歸而余方自武陵來新安相失於道作  
此寄之

來鴻去燕江干路露宿風飛各朝暮多時相失萬里雲忽  
又相逢不相顧吁嗟吾輩有底忙悵好年華此愁度君飲  
新安水我客錢塘城風巖水穴每獨往此間但恨無君行  
君下嚴陵灘我上富春郭日日看山不見君咫尺煙波已  
成錯卸裝孤館開君書知君去纔三日餘君行盡是我行  
處一路見我題詩無吳山越水兩迎送今夜追君惟有夢  
贈程厚孫時爲厚孫作書與汪容甫定交

繫余抱黯陋研弄鮮精業橫陳撫遺經詰屈口先嚼而解

蠻俗儒齷論何哮呷識字得未曾異同先披扱赧顏強師  
承抱膝未見輪細或吹牛毛紆或旋螺甲虛或逃芒荒挺  
或走偃狹六籍坐泥蟠鏗響誰與搗何如返崇山沈冥守  
雲匣何如老秦壁巖發任頽壓雖然千百年名義固非乏  
緬維炎紀英紛綸工羽翬名象微言該訓詰精理洽下際  
閩洛彥闡聖在心法亦坐門戶煩孽庶相攻劫所貴觀其  
通不廢如裘袷亦如導支流納浸需啟牖亦如冶洪爐金  
沙融一霎誰爲同心言痒處與搔招邇欣邁程子高談快  
傾峽爲難有家世此任在肩胛傑觀卓不羣雄步坦無跲  
硯所下帷處望氣已爲憺百城富擁桓萬軸架盈鄴時出  
金石獻聲發不能欲退哉作述心曠世共呼歎告我獨學  
難業成資輔夾柰何威鳳賁友我等鳧鳴我識江都汪投

分差可恰匪特經無雙羣言工貫插平時氣炎炎可望難  
可狎論文忽幽渺境擬月寒破遂與俗殊尙狂名紛喋喋  
知君求友殷招來爲飛劄文陣各挽強敵勅兩無怯我爲  
壁上觀目定不及眨名山讓公等吾行荷鋤鋤

孫薇隱自句曲歸以詩示輒題於端卽和其春日枉  
贈之作

句金之壇閒有陵云可度世而上昇東南一竅闢地肺綿  
延休氣時雲騰華陽玉碣閉千載登空有躡誰其乘我生  
夢見且未得君有仙骨君先登神君抗手不復顧曲城閭  
闔呼可膺江山人藻待洗刷乘風欲去何由能譏訶元放  
叱抱朴笑彼過客如風鐙叢花匹練俛下界幻作組繡羅  
君膺歸來脫裏出奇句是何光氣誰依憑試聽擲地響金

石不然捫字生圭稜竹墳篆鼎拔詰屈冰車鐵馬驅凌兢  
星枝落筆芒四射虹血漣劍斑初凝不愁嘔心銹肝腎雲  
夢八九曾浮蒸始知名山助才力技至此矣胡能稱靈蛇  
荆壁家所握嘈噴眾響喧蛙蠅君其一出空所見如以赫  
日消春冰由來文章貴瑰傀肯襲蹊徑循畦塍雲君山鬼  
義斯正墨兵蒙寇言差恆云奇豈復古人過況以常語相  
因仍長庚星死玉樓召此事讓君三折肱參之韓杜得忱  
鼻大厥門戶歸高曾游山讀書更十載恐絕來者難攀承  
我方兀兀弄鉛槧方幅偏仄無尺繪惠連得句自吟賞東  
昏漫語叢譏懲謬逢作者癖痂嗜積氣得吐相誇矜憶從  
去春枉君作遲久不報理詎應苦緣望氣已辟易疲軍再  
鼓嗟難興傾心倒意詎能默聊用撮壤崇山層自知俗骨

不能換煩君汲引拋長繩朗吟借訪舊游去挈我騎二龍  
龍升

顏魯公名印歌

顏家世寶魯公印我初見之光奪矚倚天柱地赤文兩銅  
八分廣徑亦如何論倉籀孰秦漢招搖輸金造化鑪公之  
靈爽照千古洞天琳腴結蕊珠英英握拳透爪力侃侃正  
士端人書想當印印雖罷畫小署紙尾腥紅硃初疑舐罷  
盧奕面淚痕血漬交模糊不然老臣忠義膽一腔色正離  
方朱當時河北廿四郡大名獨邀天子呼世稱魯公不姓  
氏况千載後餓生乎口噤遑敢以手摸觸著恐犯蛟螭衙  
頗嫌官誥尙書印九疊盤曲傷形模雖然物以人重耳以  
此較彼徒區區詩成更乞印一紙佩作肘後龍威符要扶

心臟作正氣魂夢不敢流荒誣復愁雷電忽下取神物一  
失如亡遁

得稚存淵如書卻寄

秋窗夜涼鐙一粟日南坊西數椽屋客心羈孤不可論忽

有故人書在門書詞悱惻紙黯慘曾洗巨浪傾崑崙寄書人曾

覆舟於河關阻越兩年別展翰披緘轉愁絕洪生倔強百不

諳只解故紙驅銀蟬自餐脫粟厚親養儉歲襍被游江潭

孫郎下筆妙心孔百煉枯腸瀉眞汞寄我新成病婦詩不

恃才豪亦情種鶴籠鳳斂兩不聊憐我塌翅爲解嘲老親

弱子感溫問古意分明見方寸入世無妨醒是狂謀生敢

道貧非病燕山九月飛雪花日日典衣歸酒家聞鐘偶一

攬清鏡面上薄已汗塵沙插標賣賦愁絕倒臣朔苦長時

不飽織錦偏輪新樣工論文每歎清才少春風野火句全  
刪今日長安住較難故人遲我作長句須在匡山讀書處  
雪後集陶然亭先歸道登黑窰廠

城南有高亭亭與城相向城雉銜西山巒巒走青嶂殘雲  
時一白破碎失山狀對山開長筵興酣酒力王中有清氣  
通迢然發高唱入座皆俊物能容我跌宕轉嫌眼界窄三  
面礙屏障欲撤不可得悄焉思遠颺疾覓快馬騎徑去不  
復讓豈因酒逸略似放翁放一里得高臺于此足遼曠  
野風四面合始覺所居亢尺五韋杜天幕我作行帳城遠  
隨野闊一線空煙濛入雲翻凍旗暮角隱悲壯北眺瓦一  
垓萬戶走鱗浪倏被暝色催幾處遠鐙亮九門將傳鑰三  
殿久散仗而我此徘徊清絕轉愴回憶亭中人不見此



臺上興至各有適何必兩相望撫景傷我心願託陶家葬  
去去應復來行行重惆悵

集吳香亭太常齋見所藏孫雪居董香光書畫合冊

作歌

董書唐人五七言絕  
句八幅孫爲補圖

人言詩妙畫難盡我言是詩皆畫境人言書妙從畫參我  
言畫亦書理兼雲閒董尙書書法昔無敵揮寫唐人五七  
言金壺汁破霞賤色漢陽太守孫雪居力追詩意爲補圖  
忽忘筆墨在何許時見雲煙空欲無咫尺何論萬里勢蕭  
瑟蒼茫極能事是書是畫兩不分呵成一片青霞氣漢陽  
煙樹連晴川兩公宦遊爭後先我亦樓頭訪崔顥昔人不  
見心茫然古人多少登樓客名籍誰應跨鶴仙太常先生  
重毫素不薄今人尤愛古寒宵觴客觀寶臺墨光酒氣相

旋舞我於斯事罕一優不嫌百讀措昏眸祇今墨妙知誰  
似俯仰人間二百秋

臘月廿五日飲翁學士寶蘇齋題錢舜舉畫林和靖

小像用蘇韻

一枝梅折孤山麓冷浸銅瓶汲朝暎卽此便是逋仙魂變  
現花前貌如玉此花只合先生詩便著言詮都絕俗玉潭  
妙手爲寫真五百年前閱風燭石几生雲氣尙溫吟眸點  
漆神逾足一童一鶴猶依依詎是無情拋骨肉妻梅謾語  
如可憑清供家山問誰錄後人但賞疏影詩誰知別有相  
思曲堯山堂外紀載林惜別長相思詞注云林拱著家山  
清供云先人和靖云云卽其子也乃喪偶未娶爾  
老去高情寄託深幾株留伴墳前竹何當喚起圖中人茗  
話寒宵淪甘菊

又用前韻題翁覃溪所摹和靖秋涼三君二札

放鶴空亭倚孤麓殘梅零落湖波淥寥寥遺墨在人間不

共沈薶一簪玉

楊璉僧伽發公墓但玉簪一枝端硯一枚

三君八耶知阿誰得

識此公皆不俗念友期聽煙寺鐘聯游遲剪風船燭菱角

少許致不難寄錢二索愁未足

札中語

尋常語妙書更道此

亦何羨西臺肉學士雙鉤宛入神詩境停雲互收錄鬚眉

髣髴想見之歸卧夢繞西湖曲空山無人獨立久夜深似

有風敲竹乞摹萬本映窗光洗眼新泉浸寒菊

小除日經廠市見王叔明畫愛不克購歸以志懊

長安幾人愁歲逋誰耐齷齪看妻孥市中鴿炭白金換廟

上爆竹青紙糊紛紛景物百刺眼瞥見水墨江南圖尾鈐

猩脣叔明字心知其是焉可誣藏古篆法意慘淡備諸皴

妙胷錘鑪青林杳冥翠竹暮更不著人聽鷓鴣一重一掩  
自開合萬壑千巖知有無借問主人枯不枯氣所不足辭  
囁嚅煙雲過眼沙脫手不知去落何人廚歸來嗒然欲忘  
我急喚墨汁書門符

元日大雪疊前韻

昨宵連巷喧索逋我亦瑟縮羞妻孥朝來抹眵忽失笑一  
天快雪雲模糊九重闈闈玉爲闕千門闈闈天開圖三元  
節見三白端田公赫赫言豈誣蟻臣稱賀孰爲達亦感鼓  
鑄隨鴻鑪端坑呵凍暈鸚鵡闈闈蓋試茶溫鷓鴣不令俗物  
擾清供只除哦詩一事無亟謀歲飲傾市沽家人圍坐言  
咕嚕閉門一任燒連寢隔舍或驚煙起廚果然一醉萬愁  
失不用辟惡新桃符

初四日復雪余少雲以和詩來卽疊韻奉答

和詩火急如償逋竊笑不暇噴癡孛鐙殘漏盡雪屋白有  
似不著窗紙糊豈其飢吟坐眞癖亦省僵卧誠良圖牆頭  
前雪望後雪聞古老語今非誣諺云牆頭一條知君渾舍  
有同賞檜楸熅火圍地鑪兩家北上逐鴻雁一心南飛隨  
鷓鴣恢疏在骨合憔悴緩急叩門誰有無不如放溜下直  
沽舟人醉語同話嚙了知浮世等蓬梗安用盛名爭願廚  
泥乾相訪出詩笑我歌定與君同符

題翁覃溪所藏宋槧施注蘇詩原本

卽宋商邱所藏本後歸查初白

注蘇之難如注杜誰識良工最心苦禾嘉本已芻狗陳商  
邱刻擬景星靚終愁綴葺或失真遺辭浪說由儀補天吳  
紫鳳一倒顛星宿崑崙孰泐溯廢書神游嘉泰年漕司善

本落何所誰知好物如龍騰六合翱翔擇其主歸然靈光  
歸寶蘇齋名初白菴中此先貯率更楷法久更新施顧同時  
一機杼詩外有史史可增何必蟲魚闕箋詁絕識博學兼  
歷年能事無慙劍南序更從缺簡追混茫益歎今傳多錯  
迥古八所有不盡有補之以臆毋乃魯查田謾說能訂論  
但存其舊不猶愈功臣玉局自有眞益友吳興究奚取興  
來竟欲家置編化千萬億光氣吐不合此籍遭泥蟠一爲  
詩生洗腸腐公如有意付木工乞附姓氏公其許

桂未谷明經以舊藏山谷詩孫銅印見贈

我友曲阜冬卉子六書摹印眞吾師鑄金同用范沙法顛  
倒斯籀同兒嬉柳閒銀竈每相過篋中字書隨所攜脫囊  
贈我一銅印精絕審是發蠟爲朱文字減土數一彷彿西

江派中人所遺不然卽是吾家子耕紹谷輩云山谷孫系以詩鸞翔蚪結一入手我欲拜賜心然疑我祖詩可祖天下凡能詩者宜當之若資華胄便竊據不患造物嗔吾私雖然一語敢相質斯道不絕危纍棋文章千古一元氣支分派別徒費詞幾人眼光認鍼芥學者蟻附緣條枝雄深一變爲釘餽精華已竭存糟醲康莊不由入鼠穴細尋牛毛披繭絲強將譜系溷初祖九原可作夫誰欺摩圍派衍源屢竭皖公雲封人莫窺我生衰門更才劣豈有筆力能振支但將此印印家集一編世守儕尊彝北平學士潭今巨手後先心印無差池李洪之編任史注薰蕕灌露窮搜披埽除荆莽出光燄我翁斯文今在茲不信請將我言質報贈愧匪瓊琚辭

送邵元直南旋

五年心跡感雲泥，再世交情惡別離。  
聚散不妨成小劫，升沈無計可前知。  
只宜東野聞猿慣，誰笑歐陽賦燕癡。  
寥落酒旗歌板地，不堪君去我游時。

歷城道中

北游忽不樂，東來攬齊岱。  
陸盡燕趙交，水送汶泗會。  
只有清濟源，伏流隱支派。  
亦如古達人，心跡有時晦。  
羣山盡朝岳，敢向不敢背。  
峩峩靈威丈，揖我青霞外。  
迓客遣片雲，飛來若車蓋。  
揮手暫相謝，冰雪迫徂歲。  
游倦思小休，勝濟行未艾。  
寄語雪中花，石上莠相待。

除夕述懷

我本江海客，風水性所諧。  
爭食雁鶩侶，眠臥蛟龍潭。  
吳山



及越水到處工幽探強來北地游埃壙積不堪傭書讀中  
祕逐隊趨趨煙海迷津涯十不憶二三欲投祭酒筆骨  
相慙燕頤平慈親迫榆景髮脫難勝簪迎養薪桂地所愧  
歟旨甘斜街路南頭因樹三閒菴老人弄孫罷繡佛依香  
龕昨來秋風起語我思江南片舸下澤路家具不滿擔拜  
送心斷絕而我羈歸驂有兒名一生廢學增癡惑曾不識  
之無但索梨與柑有女已上頭長欲與母參心性稍黠慧  
恨渠不爲男俯仰既無藉出處彌自慚薄游向齊岱聊寫  
憂心悵一看封中雲快聽海上談懸車待春發陟岳搜穹  
嶷日觀俛滄海天門豁層嵐捫碑倚石表發策開玉函誰  
知靈威丈赫爾嗔其貪仍復驅我來卧病同僵蠶努力近  
藥物割嗜疏酒飯二豎雜虛耗環伺何耽耽昔年壯意氣

萬象供嘲哈今如病馬伏不任驅驂驪面用方麴障口擬  
石闕含亦有舊攜劍鏞鏗昏星鐔亦有幼讀書塵封飽魚  
蟬一僕窮相隨膚皴鬢毳作字遣之賣易茶日半籃縮  
頸向爐火暖意偷春酣忽訝歲云盡淚下衿衫浣轉憶去  
年夕渾含談話誦索逋雖填門相對樂亦湛今反作孤客  
枯寂同瞿曇百感自然集苦吟詎所耽顧影坐分歲漸聽  
晨鐘館

李憲噩字懷民以字行號十桐高密人諸生有十桐草  
堂詩集

詩話十桐愚村侍御子早孤與弟蓮塘少鶴致力於  
詩十餘年依張爲主客圖例蒐集元和以後諸家五  
言詩推張籍賈島爲主朱慶餘李洞以下爲客名曰  
重訂中晚唐詩人主客圖一時青齊間稱詩者翕然  
從之其詩體格謹嚴詞旨清朗時齊獨到語不墮  
當時風氣遂謂與漁洋秋谷鼎立則推崇過當矣

寄贈廬山人

高隱廬峯下終朝理素琴  
客留春夜坐詩對曉山吟  
野墅養幽性澗泉情道心  
何時策藜杖雲外遠相尋

喜雨

沈雲滯輕雨迤邐不肯下  
倏爾飄菊叢殷然響瓜架  
稍繁獨起聽纔密遽云罷  
冥冥疑有憑斟酌向中夜  
田父攜斗酒日入會茅舍  
好雨雖不多聊足潤穉稔  
明朝好種麥東田叱雙駕

對雨和韋蘇州

晨興方淒淒永日遂浙浙  
沾濡花上重瀟灑樹間密  
稍急始紛喧漸繁轉寥寂  
空宇難獨對幽窗易成夕  
端居復無聊賴茲披往籍

夜登海山亭望月

天風吹不休潮勢正鬱勃峯頭夜尤靜一上睇寥闊渾渾  
蒼霧中厭厭生殘月蜃氣相吞吐水怪時出沒憑視但無  
際高歌慘不發蒼茫自冥懷懍懍復驚骨

子喬自縣中來言單書田先生貧至食木葉邀叔白  
各賦一首爲贈

食盡門前樹先生空忍飢祇應到死日始是不貧時古性  
原無怨高情獨有詩卽今三日雪堅卧又誰知

積雨平度道中先寄鳴九

長途互方倦積雨綿未歇瀚然生溼雲望山正愁絕寂歷  
荒店宿徘徊孤驛發已攬曉衣重未改午風熱阻順稍不  
驚微勞足怡悅況與素心期故人隔年別

雪後晚望寄子記

風色向林際冷吟還水邊夕陽晴照雪歸鳥暮沈煙樹遠  
分高寺山昏合凍天仍懷北城下鐙火獨蕭然

題宋海客表兄村居

草屋依依八九間豆棚瓜架映柴關新除空地擬栽竹別  
起高齋爲看山樹裏折回溪水遠窗前飛過野禽閒村南  
柳市春醪熟時約鄰翁與往還

望廬山

潞城西郭客停橈望裏名山孤興遙欲訪香鑪看瀑布潯  
陽江上雨蕭蕭

高士裘

李五星若寒堅卧其友王熙甫單子庸爲  
製羊裘強起游眺余聞其事作高士裘

洛陽城中三日雪袁生凍卧僵欲折俗令不惜故人憐囊

底尙有傭書錢持向東市得老殺韋以大布寬於旃由來  
朱紫輕褫褐此裘著做誓不脫千金狐腋裏羶腥羊若有  
知死勝活從此柴門晝不關城西積素輝連山恥向澤中  
釣時譽獨攬登高吟曉寒幸語高士衛爾冰霜骨慎莫負  
薪傲炎月

雪後歸南村道中作

偶出耽清賞巾車趁雪還溪痕迷野渡日色辨前山斜徑  
孤樵晚高枝並鳥閒欲投煙際宿荆戶未昏關

李憲高字叔白號蓮塘高密人諸生有定性齋集

曉發

太自上東嶺西望牽牛角煌煌叢薄下猶爛金盆月林際  
春風生衣上曉寒薄羸馬戀豆味背櫪不肯發行村舍

逶迤稍稍農樵作天色變茫昧清氣但寥廓長空何處聲早  
雁在雲末

冬日過山村

寂寂暮村側勞勞行客過山風歸犢早簷日聚人多野盡  
粟盈室橋成冰在河孤征慚未已積雪滿前阿

雪

薄醉衝寒跨驢出霜木崢嶸村舍寂野田無物饑鴟愁溪  
路凍合鑿冰汲新詩得意正森爽朔雲壓腦轉昏黑初向  
驢子前頭見率然三點五點白不翼而飛何處來塞空已  
并此身入北極應搖斗柄注東宿自張箕舌吸側聞元冥  
氣不交此時天上亦寒慄研珠屑玉勞精神被山冒嶺費  
筋力上帝豈不樂無爲或言萬姓乞膏澤下界小臣同井

蛙仰窺妄以私意測道旁凍叟僵欲死且願被褐負暄日

讀柳子厚榕葉滿庭詩適聞雲持螢火見示因贈

柳州未遠似梧州自古詩人善旅愁手把流螢吟落葉君  
看春半果如秋

李憲喬字少鶴高密人乾隆丙申召試舉人官歸順知

州有少鶴詩鈔鶴再南飛集龍城集賓山續集

詩話少鶴詩名在羣從中最高袁簡齋游粵西見少鶴詩文目爲今之東坡詩出入唐宋諸大家而能空  
所依傍蓋有真  
意以運之也

首夏齋中示姪孫測

首夏已舒燠午風草堂前呼童開竹窗坐見東高原下綠  
柳駢蔚上翠松孤蟠二者所餘色漠漠皆遠天南畝徑繚  
繞婦孺攜且肩一鷺下南際天地爲曠寬子來勤問訊月



令相究研忻忽若有得詩成使之觀此中有真趣更非詩所傳

和王荆公晝寢

百年蕭散跡強半此中居淡意雲能學遲情日不如晝收  
四壁靜琴在七弦虛自覺清涼甚非關潦倒餘

冬行書驛壁

寒促臘將半擔囊更別親朔風當去馬遠雪帶行人野市  
歸常早山程問不眞自慚書幾上猶作泣歧身

都門答客

不是不相惜其如非故心出門卽歧路何處著孤吟城色  
鬱將暝旅天寒易陰舊山早晚去春草未應深

雪中登五蓮山絕頂示穎叔

三日住山不見山中情有似饑待鋪凍霰作雪意已屢亂  
山蹙踏瓊瑤鋪依北一峯可見海峯頂披冒時有無殺然  
欲往不可挽掉頭豈願山僧呼千由萬尋那能數但覺淫  
汗霑裘襦是時藓乾石齒瘦砵厓漩滑如脂膚性命造次  
怕蹉跌能變壯土成孱夫不惜作氣鼓儔侶天生我輩浮  
雲殊短長成敗合有定不死應有神明扶牀第豈必盡餘  
考枉自浪擲千庸愚天風峻絕誰敢廬攫裂已有殘浮圖  
繇來意氣不知險平地仰始始駭吁

與故人季涵論書

季生買然來袖出中字盤辟競點畫邀我相指似我書  
本無法敢爲對以意觀書如相人神骨當有異膚立豈能  
久中乾固難恃顏柳蘇黃徒天與君子氣刻轢相聳削跌

岩轉巖毅正如冠劍臣談笑皆國計糞土棄么瓌空洞見  
胸次有時就敬偃白眼青天醉卻視黃泥人顛倒靈媧戲  
以此常自足窮老無悲喟有志我未能敬爲吾友遺雙鉤  
與懸腕暇日請從事

海上訪法迂叟評事

坤宏

先生臨海居八十意條如半路中逢鶴單身外卽書應門  
童亦拙繞屋樹還疏湖落暫須住前灘同釣魚

書石守道詩後

河朔氣貞剛江左語清綺由來限天塹南北風如此忽忽  
千載問幻化何窮已高岸爲深谷北人慕南土治治弄芳  
澤舉舉飾裙屐有聲必連環有情皆旖旎不知誰作俑恐  
被陳良恥我讀徂徠詩中夜爲之起公言信不錯魯國一

男子

不朽

古人志不朽到今朽者半何況本無志其朽甯須問少小  
尙奇偉盛壯轉庸漫未夕求安寢纔曉思美膳不知竟百  
年役此得毋倦喧喧車馬會沸沸絲竹讌相看如聚沙轉  
眼已風散問我何挾持中夜常感歎早達輸鄧禹固窮愧  
原憲不朽藉文字所託良有限若更逐靡靡已矣何足算

夜登祝融峯

十載曾經入夢行茫茫有路記分明自看瀑布月初滿直  
到青天雲未生列柏儼如玉冠侍餘峯都作水田平退之  
去後誰來此不向巖間自署名

新年作三首一示縣中賓僚一懷故鄉子姪一寄家

日昇書目卷之二  
三  
兄湖南道中

衝巷無貧富新年足喜聲近鄉多問索童稚異心情壁網  
看辰埽廚鏡到曉明誰憐未歸客庭戶自淒清

處處迎年樂家家餽歲頻泥牛排市小竈馬著牆新鏡卜  
長侵夜村呼各向晨屠蘇分飲罷應感未歸人

依依遑歸權幾日過湘沅爆竹隔山驛門符臨岸村慈親  
念游子兒女話鄉園八口分三處此情誰共論

修堦謠

始安江岸側有婦行隨夫擔持畚與鍤一身多泥塗我行  
時借問夫言婦已歎烽堦設何爲使我連村困前夜吏到  
舍叱喝府帖下一丁出百甄十戶供萬瓦典盡兒女衣稍  
具甄瓦資更驅自轉運營造不待時嗟我生爲農舍業從

墾工田秧雖得插廢棄如枯葑秧枯卽絕食餓死行可必  
誰言兵衛民我死彼卻逸瘦妻何孿孿甘與同罹患猶勝  
有獨在忍餓爲寡鰥此邦雖邊鄙同是天赤子樂歲有災  
凶皇天那知此國家久承平軍衛豈宜輕願告守土吏勿  
使民恨兵

贈王若農

永叔變文體舉俗不勝罵爾時免罵者齷然歛已化待彼  
罵稍歇徐放光燄長然後無賢愚無不頌歐陽始知趙孟  
貴所取在一時況本無定見旋取旋棄之子羽不由徑伯  
鸞更燃竈二子當初出甯辭駭與笑王君篤家學敦敦求  
古意臨別乞予言欲以堅厥志眾棄君勿棄眾取君勿取  
眞能空目前乃可謀身後

明府集言臨光ノ一ノ  
岳陽樓玩月示道者南雲

洞庭不生月徑可無此樓月出渺渺波我在樓上頭湖爲  
滌我心月爲刷我眸滌刷兩無盡相與成懽秋月乃對仰  
卧似欲載我浮君山來枕席手引瀟湘流澄洞露表裏毫  
髮無潛幽卻顧叫退之底用多騷愁希文稍欲遣果已能  
樂不餘子固不記古今幾浮漚道人豈知道乃能喜我留  
勉爲吐此詩庶免爲樓羞

歸順書感

喧喧擁鼓吹簇簇森列驕儀衛一何雄爲是臨邊州卻顧  
居中人未免多慙羞據案閱文牘瑣細劇毛輶所列非一  
緒強半因徵求上以供長官下爲胥吏謀閒及民生者具  
文泛且浮空見日擾擾火急疲置郵舊學竟安在徇俗爲

苟偷胡不自引退草衣歸田疇

示州父老

朝廷置羣吏本以爲爾氓豈爲奴隸輩  
爾厚其生不知當事者何以冥此情  
前因外番亂近防皆出兵廟謨在不  
戰民困實所矜輓輸已累歲十室九  
不贏誰謂於此際而反暴其征僕隸  
專指揮眾心那得平我本承其乏又  
切擊此形無能救彫瘵中夜心忪忪  
召集諸父老積弊爲我明敢云卽盡  
蠲庶使漸已輕長謝奴與隸不能爲  
若營稍待民氣復吾志當得行勤勤  
諸父老告報喜且驚譬疾未得藥遽  
有良醫名我聞實內愧亦可感爾誠  
何以相究竟勿自負我盟

將去歸順和樂天杭州二詩



除官去未閒且復三月留喜與吏役疏日共諸生游城西  
有古洞解東有新樓晴晝及月夕觴詠無時休柰當歲試  
期諸生趨邕州紛去如落葉始覺孤樹秋獨有童氏子經  
通行且修能來同我居對牀置衾裯夜半讀楚騷鐙闇風  
颼颼因與論今古掩卷涕泗流頗憶韓子語君其張生儔  
共言無倦聽晨坐盡更籌邊隅得此士甯復嗟夷猶詩成  
寄諸生底用商聲謳

三年爲刺史白公當內移三年爲刺史李子去復來前後  
三年中問我何施爲催科不敢拙那得撫字慈弭盜苦無  
術追問道拾遺惟民不我惡我不民鄙夷以此兩相得未  
免情依依愧無西湖水爲汝溉田陂亦無天竺石爲我壓  
舟資因我好吟詠多投送行詩山野黃髮叟里巷垂髫兒

傴僂各拜獻婉孌相扳追  
肫意良可念奈多虛泛詞恩德  
竟何有吾猶自知之若係倩人作尤不應我欺老者勸餐  
飯幼者得攜持不言已可樂待我再來時

李詒珩字君衡高密人

詩話君衡少鶴子與羣從玉章詒珩在中詒瓚方中詒珩從子勺海敦測子范敦澄皆以詩世其家學

揚州晚泊

暮色維揚郭落帆當石坡高桅出樹直遠火雜星多水閣  
幾聲笛竹枝何處歌推窗憑望處故國渺煙波

單可惠號芥舟高密人諸生有白羊山房詩鈔

詩話高密自李十桐少鶴兄弟以詩名於時學子爭  
數之芥舟稍後出頗極抑鬱磊落之致亦工倚聲有  
懷香詞刻

附詩後  
客舍

明倫彙編 家範典 卷一百一十一  
三  
客舍夜來雨推窗看杏花新晴報鐘鼓春水上魚蝦有酒  
皆成淚何人不憶家家中幾兄弟流落隔天涯

垂簾

垂簾埽地宛精廬心太平時萬事虛風緊不妨蟬噪穩天  
晴又是豆花疏貧欺鮑叔難爲買懶絕山公未用書只說  
才人困箕口詩情零落也憐余

送郝武民

毓明

游大澤山

太山雖云高不如東海勞我昨夢游踏其頂俯視一氣無  
岵巒大澤拔地五千仞勢與勞岱爲單椒名士愛山如愛  
色一時得意皆傾國買之不借髻參錢一生能著幾兩屐  
有客有客字武民嶽岵厯落可笑人手中九節赤城杖名  
山面目識其眞峯頭日出金鴉翳世上好夢人未寤此去

浩歌問鬱儀留我他日題名處

高福寺行

高福古寺何巍昂誰其作者商河王碧瓦朱甍照山水以  
石爲柱花礎方行人下馬日卓午紅塵撲面生清涼僧言  
此地泉水好石鼎小煮魚眼湯生天成佛吾未勇膜拜懶  
與瞻毫光畫手將毋腕有鬼龍象著壁皆飛揚風窗縱橫  
千只葉相彼飢鼠充其腸開門或有王新建大閣誰與唐  
李康自古賢王多好事以其餘力開道場百六十年一走  
馬此寺豈不關興亡螭首龜趺尙林立寒食雨過苔痕蒼  
莫笑捫碑蕭夫子強推甲乙尋偏旁

訪李五星

詒經

客行深巷曲犬吠竹籬根住近城西郭幽於嶺背村秋聲

來遠樹草色閑開門余亦謝時事言尋靜者論

茹綸常字文靜號容齋一號簇蠶山樵介休人監生有

容齋詩集

董帷園日容齋詩不主一體自漢魏三唐迄宋金元

明無不供其驅使任西郊日容齋於學無所不賅

詩特其一斑耳而亦不專一門自漢魏六朝唐宋元

明迄今作者皆挹其醇而去其疵得其神遺其貌以

自成一言之言朱畫圍日容齋詩

温厚真摯合三唐兩宋而擷其華

詩話綿上詩家董帷園任西郊王田夫梁秋谷有四

山人集容齋後起足與相抗存詩自乾隆辛巳始分

一笑山房初稿都門集巽桐集樂與集槐黃集菊隱

小草藪中集言息廬詩卧游集輟絃集昨非集綿上

集三餘吟集古芸書屋集秋蛩集友聲集泰樹集歸

與集獨吟集嘉善浦秋稼因與朱畫圍曹慈山有應

夫相唱和交嘉善浦秋稼因與朱畫圍曹慈山有應

求之雅秋稼歿於客中容齋厚賻經紀其喪平生篤

於交誼事多類此集中

哭友諸作皆見性情

古槐歌為帷園先生賦

我愛古槐如古松，蚋蟻詰屈真虬龍。更愛古槐如古柏，霜  
皮黛色凝青銅。屯雲溜雨三百載，天矯勢欲爭天風。長夏  
森森擁秋氣，橫空倒疑飲澗虹。入門見者驚突兀，幽蔭有  
若深山中。主人繼述先澤遠，水源木本將無同。靈星之精  
相率賦，一時風雅矜詞雄。濬冲彥昇皆其選，謂石桐西郊鴻篇  
勒石聲摩空。我來不啻游槐市，刻鵠雕蟲慚未工。羨翁堂  
上何矍鑠，羨翁階下何青葱。得非亦效庾肩吾之服槐實，  
遂令顏髮還如童。他年自應方雙瞳，嗚呼槐兮婆娑偃蹇  
於牆東。日與幽人逸士相遭逢，更千百歲無終窮。

感事

渴葬驚心碧血存，傳芭何地與招魂。破窗零落殘編在，舊  
館幽陰白日昏。黑孽釀成封豕陣，青山望斷鶴鴿原。年年

寒食吞聲泣祇有棠梨照墓門

秋水

蕩漾虛明寫浪圓  
涵秋色更年年  
波沈皓魄疑雙月影  
倒長空有二天  
夜漲風驚鷗鷺起  
舟回人伴荻蘆眠  
獨憐東注無還日  
嗚咽常聞古渡邊

輓浦秋稼

旅舍懽悰幾日違  
人琴忽已痛俱非  
河汾講席空成夢  
構李家山尙待歸  
剩有清風悲馬磨  
轉多遺累念牛衣  
方干羅隱同君恨  
魂魄無勞怨棘闈

重陽後一日初霽次西郊韻兼寄田夫

未許衝泥客到門  
却憐高卧似文園  
一林宿雨楓初戰  
萬里迴風雁自翻  
滄海雲深空碧落  
小窗秋迴易黃昏  
詩成

獨抱懷人思尊酒憑誰與細論

一笑山房同田夫西郊兩先生夜坐

白雁橫空夜氣淒騷人坐遍小軒西王名可冠楊盧駱任  
筆能高晉宋齊四壁殘燈蟲語急一簾清露月華低談詩  
更出奚囊句香茗頻傾共品題

冬夜述懷

霜風勢逼地鑪火几隱烏皮供枯坐淒迷往事苦縈懷憂  
患餘生厭坎壈學書學劍一無成爲仕爲隱兩不果溷跡  
城市時煩冤流衣塵土日掘堞洩渤幾逢貯藥籠腹負空  
教慙炙輶中路擲揄鬼笑人東林招致佛佞我年來頗復  
擁鼻吟嘔心鑱腎計仍左守株最拙爲身謀悠忽萬事成  
頽隋君不見救趙歸來信陵末路方慮禍失志日惟近媿



娟又不見不聽婦言伯倫頌酒鍾醉荷二豪侍側等螺贏  
平生志不在温飽盈絀安能較瓊瑣金誰地布珠斛量粟  
孰瓶儲錢紙裏三窟狡轉笑鷓鴣張百足捷甯憐鼈跛世間  
何地逃毀譽風俗此邦矜壑慄顧我命亦在磨蠍斗不能  
神箕揚簸異獸未堪附炬虛怪草底從服舌唾崢嶸歲月  
更躊躇行行更無顧甌墮短檠遙夜發狂歌起見黃梅影  
孌娜

擬織

擬織同心苴還成連理枝卻憐紅豆子全不解相思

夏日漫感

不律閒操謝冶游一樽狂興伴登樓輕風漲綠抽山麥小  
雨蒸紅破海榴少見腫方驚馬背多愁白更說烏頭年來

擬效元真子弱水徒聞隔祖洲

狐岐途中卽目漫成兼呈同游諸公

得聞復佳招翛然發幽興軟塵背郭門輕策向山徑落絮  
尙濛濛感茲春景剩石桐數里間青冥遞相映兼之眾籟  
清一洗人世聽飛流更超越轉覺心與競望古溯及岐四  
載涉寥夔水注暨山經千秋可互證何必修禊游乃擅觴  
詠勝日午卓松陰風和恬鳥性因思勝水源澄綠定如鏡  
遐賞契煙霞險韻諧競病糠粃前簸颺怡悅此持贈還期  
白雲吟報遺及不佞

雨後

頓覺炎威失翛然興不窮坐來空翠落花傍夕陽紅院靜  
初過兩窗虛自引風端居還足恥未敢謝牆東

明田兼音園卷之十一  
五  
雲氣連山足庭陰向夕稀吾廬有如此巢燕未全非腐草  
還沾屐繁花欲染衣空憐今雨好翻與故人違

寒夜讀韋詩

鑪煙半銷歇遙夜入孤河  
中懷冰雪淨澹然杳詩境萬籟  
寂不聞棲禽時一警近壁梅影橫到窗月色冷清絕愛草  
公冥情失馳騁

綿山歸途中長句紀游

俗眼朝朝混城市百年幾見好山水綿田忌坂道非遙肯  
使名山遺鄉里一朝發興事幽探挈伴攜筇來迤邐入山  
十里氣蒼茫确犖餘飭並可喜無地真愁眾壑深插天益  
休羣峯峙山花澗草垂繽紛古剎名藍供倚徙斷崖冥冥  
朝煙青絕壁沈沈暮霞紫就中吾愛石乳泉雲竇涓涓瀉

清泚抱腹岩更稱雄奇百丈敬危自無始龍漱石洞夏生  
寒鐵瓦寺名銀公洞名險未已固知靈域非易窮快游誰復歎  
觀止芒鞋竹笠柰爾何歸來猶憶邱壑美

寄嘉善曹慈山先生

過江風雅漫評量南望心知屬魏塘老去經傳秦博士歸  
然人重魯靈光漱秋名小試來禽帖依緣軒名閒抄種樹方  
最是高懷容問字一編曾記遠相將子曾以拙集就正先生

春思

最愛韶光二月時春蕪漠漠柳絲絲墊巾雨蝕林宗墓禁  
火人過介子祠巢燕重來知社近紙鳶初漾看兒嬉憑誰  
更問穠桃李酒冷香殘有所思

春日卽事用西郊韻

到眼風光未有涯，鞦韆撩亂鳥聲嘩。  
虛檐殘溜融春雪，小圃餘寒殢杏花。  
幾日枯禪參玉版，一時新火論銀芽。  
踏青料得游人少，閒殺城南賣酒家。

時值國家  
禁屠酷

### 野望

極目郊原好，連天淨野氛。  
蟬聲流別浦，鴉背入斜曛。  
遠樹多於髮，秋山半是雲。  
石河清水漲，吾欲狎鷗羣。

### 積雨初霽望西山

三度京華住，西山阻幽探。  
山靈故應笑，念之心懷慙。  
維時當溽暑，積雨陽烏潛。  
街泥深沒屐，閉戶如眠蠶。  
朝來忽開霽，暝翠浮層嵐。  
樹色濃與接，天光澹相參。  
媼娥具娟好，窈窕勞遐瞻。  
中間饒勝概，玉泉兼龍潭。  
匯爲裂帛湖，風景尤堪耽。  
營構侈慈氏，比櫛皆精藍。  
惜哉碧雲寺，衣冠瘞魏闈。

迄今雖剗削吾意猶未忤茫茫景皇陵往事嗟忠讒抑有  
耶律賢石壁留鐫劉緬懷金元來遊人幾停驂世代遞遷  
更山水猶迴舍何當眞杖策十日窮雲巖

姑恩曲

維女知有母維姑知有姑悠然生孝思啞啞聞慈烏  
姑自厭梁肉妾自甘藜藿何爲不仁烏聲聲謂姑惡

送素亭之歷下

故園花柳又清明白髮清樽唱渭城七十二泉春草徧憑  
君爲弔濟南生

吳進字揖唐號猗村江蘇山陽人有一詠軒詩草

詩話揖唐詩寫人人意中之事眼前之景不貌爲高  
古而眞摯動人詩集初至都門一時傳誦謂百年來  
無此作矣程魚門序其詩淡若蘇州酸若東野吳山  
夫則謂溯其淵源蓋初宗孟東野後究心於韋左司

參之王孟暨香山五言想古融會諸賢自成一家質  
而綺枯而腴高寒古淡畫家所謂逸品也覃溪題詩  
云幽幽深谷蘭秋水日潺湲眞香非羣臭  
奇音不輕彈籠辱毀譽忘神出古逸間

大伊山北古寺

秋山樹影寒石澗水流碧孤游自無悶緩步欣所獲古寺  
闐無人青苔上几席

野月

荒荒野月高徑僻草蒙密寺古夜無人荆扉掩禪室小犬  
宿煙蘿僧歸搖尾出

湖干

晨出春城北步履經沙灣水氣夜來定到曉清逾寒湖柳  
隨新影浮動波流間露重遠靄碧煙開初日丹撫景不忍  
去佇看情爲歡

問戴葭湖病

詩人老坎坷，獨兼窮餓入門無人聲。秋風百蟲和敝帷，  
一片席白髮病，仰臥鼎設藥誰煮。呼鄰舌欲破，命衰所事  
違亦覺太摧挫。花徑苔草荒硯席塵土，挽身後事難知此  
際憂已大。

野步

孤懷何處遣，攜屐造幽遐。細雨寒塘草，春風野店花。此間  
人賣酒，前路水浮槎。隨意行還歇，林皋日色斜。

早過東郊

海氣連雲赤，東林發曙光。地餘夜市火，人帶曉行霜。古岸  
遺殘荻，寒塘渡野航。前村茅店早，新酒坐聞香。

寄程魚門太史



茅茨隱菰蒲數家連湖濱無事柳陰下水清看游鱗身閒  
日益懶往來稀交親牖下老沈沒蕪詞向君聞卓犖操冰  
鑑賞音不論人道在自能合相通有鬼神邂逅值衰暮懷  
慰多歡欣

冬日陳西山過舍

冒冷叩荆扉急起相迎迂虛室坐增寒地鑪蒸糜柘冰蔬  
堅在土凍酒緩滴醅貧家治具難久始出廚下權相道本  
真意恆忘歸駕門外白皚皚野雪蓋茅舍

渡後望石棚山

花光照海爛無邊點綴幽巖憶昔賢雨後青山環北郭雲  
中紅樹入高天窮年石室虛無主引領仙人去不還渡口  
曉寒當日出潮回煙島望相連

漁灣

蟬語斷人聲山深秋樹老門徑曲以幽林園依石島澗水  
灌田禾雲崖長藥草天清海氛消層層見嶺表

薄暮再步湖上

老最耽幽趣湖千夕再尋雲煙蒸草氣水月淡人心事過  
旋成昔情生復有今更闌游舫散清靜在園林

示準兒

門衰丁復稀大母八十邁得汝如珍寶願望何時大屋破  
夜滴雨母抱坐撐蓋當此兒忽曉大母聞心碎隔牖數驚  
問疑生意慮外來朝抱汝嬉筋衰不顧憊母繼大母亡數  
載兩見背言念舊時恩應難爲五內

飯罷

飯罷欲出門撰杖整韋布家人問所之笑而不知處或尋野寺僧或問清溪渡意中無前期隨在得幽趣情欣得復留緩緩作歸步

過陸竹民先生故居感作

東頭書屋梅子黃白日無人微雨涼門外柳絮落如雪浮萍數點生池塘先生下世三十載詩卷伴取青山長一生日月醉鄉盡至今空屋遺糟牀吾家山翁君好友風雨吟詩同一堂百事水乳各相近飲量獨讓先生強有時花間醉欲倒山翁笑向親扶將雲煙過眼時事遠餘韻緬想徒徬徨西窗數莖竹枝老月上疎影浮昏黃

將之金陵留別羅萃堂

己卯去白下同行凡五人迄今十八載我與君獨存君衰

我差健尙覺能步奔赴省送兒試不獨爲兒勤一道秦淮  
水數峯鍾阜雲雲水娛人意時時榮夢魂與君暫言別好  
自安朝昏蘭衰菊初秀棹歸常茲辰

登雨花臺高處亭子

高上石子岡雨霽草猶溼孤亭在山巔半爲樵收集有風  
雲不留無人鳥自入人煙粉目前遠山近城堞風氣此獨  
殊秋深未黃葉

過高座寺

石子岡邊路崎嶇繞碧灣樹高秋寺靜僧老兩窗閒身世  
都如夢齊梁只剩山雲煙靄蒼翠積久是禪關

永濟寺

細草寒煙散碧灣疏花修竹滿禪關清鐘遠落三江水古

殿高環四面山竟日心齋僧入定連宵風阻客愁顏白門  
孤棹經過久蘿閣層層一再攀

吳詢字重約桐城人諸生有畫溪詩集

秦小峴曰畫溪詩集各體皆工余尤篤愛其五言詩  
畫溪家龍眠去劉海峯先生稍後而其詩如彌松露  
鶴神格超羣與海峯先生之詩相似雖窮  
於遇而詩則和平夷愉得古風人之遺  
詩話重約詩清超絕俗無唐以後語高處逼近漢魏  
其論詩云詩入神境只是敘事善於敘事者天馬行  
空不善敘事者跛驢磨麩又云味外有味色外有色  
音外有音神外有神言在此而意在彼意在此而韻  
在彼言有盡而意無窮意有盡而韻無窮  
窮風人之致也知此可以讀其詩矣

江上晚興有懷金海住先生

落日秋江清潮寒散空碧江水去悠悠此夕孤舟客遙遙  
湖上山粼粼沙中石餘霞斂復晴昏煙淡將夕天末懷夫  
君相思千里隔秋雁唳涼風淒淒葦花白

送友人

君彈出塞音我唱白頭吟  
披瑟高堂上淒淒勞客心  
關山萬里暮風雨五更深  
送爾不能別看余淚滿襟

山中秋夕

柴門秋色暝獨坐竹林間  
白鶴自飛去暮雲時往還  
彈琴愛流水學道喜空山  
更采東籬菊歸來且閉關

早春郊行

正月二日春氣微東風習  
習吹我衣池中冰泮魚初戲  
林下花開鶯始飛誰家庭榭  
且深坐如此溪山莫漫歸  
相看懷抱各自識休問遊人  
今是非

舟中有懷

落日泛汀洲悠悠江水流  
我從襄漢下今夜宿揚州  
雁影

隨鄉夢簫聲動客愁有懷郭有道何事不同舟

南行途中作

恰恰黃鸝鳴遠村淒淒客子暗消魂梨花細雨小寒食楊柳春風孤店門不盡長江浮旅夢無情芳草送王孫明當匹馬搖鞭去回首天涯是故園

送客之蜀

華陽黑水古揚州此去潛通江漢流客路猿嗥夔子國花時人上仲宣樓孤帆影落三巴遠匹馬風生五丈秋莫向君平問消息渴來應典鷓鴣裘

望羅浮山有懷海屏

伊人已云逝山水憶知音夙志期遠游依依見我心我心飛上羅浮島綠蘿花開覆煙草鮑靚由來親隱淪葛洪於

此開懷抱遙見飛雲跨鶴來手持白玉荷花杯爾家仙客  
五百載驅雞已上松風臺松風臺上飛流霞松風臺下沽  
酒家可知月落參橫夜惟有寒梅一樹花

古劍篇

海月蒼蒼照秋水下有空潭老龍起蛟人夜半嘯海宮古  
劍一聲飛萬里龍泉太阿不敢誇干將遠遁輕鎔鄒空山  
無人老松下皎如清水芙蓉花白虎司秋天氣精伍員廟  
前秋月生堂堂正氣塞天地寒光怒起飛濤聲吁嗟劍兮  
光不滅白虹爲氣七星穴萬古英雄一片心海風吹斷天  
山雪

對雪有懷

孤亭收晚翠大雪滿前山不見襄陽老相思空往還琴聲



隨欄遠鶴影共雲閒豈擬袁安卧無人且閉關

乾隆丙戌秋卧疾山園得叔詒詠都中書並憶昨行  
一首起坐而歌家人歎惋疾爲之愈十餘年欲答  
臨紙輒廢閩中客舍乘興做其體和之

崑崙山頭閩風苑憶昨王母開清宴桃花結子三千年與  
君共作東方倩世事由來難獨擅人生那得長相見七載  
風塵跨蹇驢有如東飛伯勞西飛燕聊得天涯尺素書開  
緘令我沈疴變張儀無舌亦欲吟子龍有膽終須顛於潛  
絹裁爲扇嫁得黔婁失金釧是時在側縫針線卿有三寸  
篋中刀我有一尺牀頭卷天風吹客海上來十年又復光  
如箭借問行人路幾千途中卻過豐城縣客舍中宵總不  
眠團團海月當窗見把君詩卷長吟徧使我心似餘霞散

綺澄江練自騎竹馬吐狂言汝南空有先賢傳腐儒破帽  
何須戀嗚呼破帽真可嗔生兒卻似又工文文如不賤仍  
不貪騎馬便作看花人

嚴光祿字石帆桐城人貢生候選訓導有石帆詩鈔

詩話石帆曾應乾隆己酉南巡召試其平生事實略  
見於五十自述詩及其門人孫貫中輓詩分東山大  
梁射襄三集凡十卷圖融  
秀澈頗與高青邱相近

吼山

鬼斧鑿靈根甃舟穿石洞潄然水一泓削壁暗如甕捨舟  
躡我履涇翠沾餘凍紆迴轉湫仄離立嵌虛空山腹裹林  
扉危崖出層棟煙開江海平雲起巖壑動澄觀物皆寂曠  
坐鳥微弄得意默無言撫境還疑夢何必山僧知澗流自  
迎送

過蔡林

故里不相識，行行雜徑多。遠從田父問，危上木橋過。一姓自成市，數家斜傍河。村深風俗古，舉族見雍和。

送許晦堂

燦

重之江右

落日長亭柰爾何，得歸今日又關河。春來鴻雁離羣去，江上龍鼉憶客過。白髮故人鄉夢斷，青山是處旅愁多。舊游正及梅花發，一曲誰堪入楚歌。

姑蘇臺

玉檻銅溝蹟已非，畫橈猶憶采蓮歸。梧宮葉落人何處，留得春風燕子飛。

登吳山大觀臺

絕頂盤空磴道開，一亭高踞氣雄哉。欄邊奇石衝雲出，樹

杪危巒踏霧來斜攬湖山圖半壁全收江海入層臺射潮  
尙憶三千弩落日陰沈見霸才

晚渡瓜洲

樹影瓜洲渡風光揚子津長空孤鳥外片席大江濱霧擁  
山藏寺天低月近人中流誰鼓柁歸去有漁輪

望金山

夾岸重城壯中流一柱尊夕陽翻倒影飛翠落遙樽鐘磬  
沈煙際鼉鼉上塔根長公舊游地玉帶憶山門

鎮海塔觀海

百級危梯上茫茫一氣間江光遙入海潮勢欲沈山閭闔  
何從叩蓬萊莫可攀仙人能挾我揮手謝塵寰

樓上

夕陽猶在野疏雨忽當樓朔雁樹頭影江虹天際秋美人  
不可見孤客迴含愁薄暮碧雲冷西風聞櫂謳

沈范孫字子孟號又希秀水人諸生有又希齋集

詩話又希以諸生負文譽主講大梁書院童二樹來  
游冬日畫梅花有蜂飛繞其上又希爲賦詩二樹疊  
韻至百篇袁隨園爲文紀之以爲美談又與黃仲則  
爲友贈以詩有句云我輩終磨滅奇大獨讓君其推  
重如此詩情剛雋  
上不墮當時風氣

大雪用禁體

朝日照屋梁虛室悉通透階前水盈墀戶北冰在靄忽然  
陰霾合六出稍稍逗初見屋角漫瓦齒已非舊牆垣及庭  
除補綴平罅漏積寸不移晷盈尺未爲厚薄暮大於掌丙  
夜竟如晝靈鼈想沒跌飛鳥飢莫救巨室足豪興茅宇難  
自覆直恐寒不減堯年今見又晨興忽凜冽作氣與之鬪

目眩屢迴矚風緊載縮脰呼童闔門徑指直不出袖彌望  
四野平瞻願身在寶老樹葉盡脫禿幹工琢鏤冬青遠模  
糊獮惡類奇獸或如藐姑射忽露兩三岫蓬萊望見之咫  
尺儼可就杞人消其憂民命天所佑陰勝固所惕融化亦  
勿驟照耀庭月間舉酒月出後黃閒攻詩城白戰不許殼  
再過綠杉野屋贈汪大西村

大經

無多秋色曉晴初夾岸人家水拍蘆小艇斜穿黃歇浦輕  
衫又到子雲居談心爲鼓平沙曲刮目欣看倒薤書半載  
分襟一彈指相逢肯放夜窗虛

偕汪大梅溪過碧光庵訪慧能津梁庵訪巨源二上人俱不值

春色已如此相將渡若耶道人無定所惟我亦忘家碧玉

林抽筍黃金茶作花蒲團聊借坐且試一杯茶

丁酉除夕前三日二樹寫梅花時正苦寒百蟲盡蛰

忽有一蜂徘徊幘上繞花不去予適在洛因作歌

紀之

青麟有髓鼠有鬚奇葩忽發三兩株橫枝倒幹氣莫遏往  
往衫袖同沾濡朔風退舍寒氣避春光露出姑射膚毫端  
幻成香雪海鼓吹力使萬類蘇墨花有香畫有色一蜂驀  
入幽人居辛苦直欲鑽故紙和氣頓覺春風俱物非其時  
各驚異室中戶外相招呼傳聞洛下徧鄉井化工之筆傾  
東都我聞點睛破壁化龍手又聞嘶風齧草神馬圖畫工  
通神尙如此何況浩氣凌碧虛冰心數點見天地挽回元  
氣生槁枯腐儒咋舌不敢讚筆補造化原非誣一枝欲折

烏可折蠲蠅繞紙徒區區

馬二墨卿來從閩中攜示畢秋帆中丞所刻蘇文忠

公生日設祀詩卷題後兼寄王秋塋

復

大峩山人玉局翁萬牛筆力鏗洪鐘華嚴法界在腕底磨  
蝕自與昌黎同甯分蜀洛矜意氣肯向章蔡爭雞蟲三遷  
清要宵小忌撫拾制誥交相訂東京黨禍續元祐晚落僮  
耳如飛蓬屢更大赦量移郡奎宿竟返蓬萊宮中丞慕公  
詩卽公七百載後追遺蹤秦黃劉晁作賓佐一一口吐青  
芙蓉中堂設象老蓮筆以詩介壽能感通髯仙彷彿騎兩  
龍靈旗颯沓來碧空式歌且舞進三爵神具醉止樂則融  
我不與事心慙慙作歌聊寄程王洪俚言啁啾慚未工慎  
勿流布嗤童蒙



晚晴移詩匯卷九十八終

晚晴移詩匯卷九十九目錄

查昌業 一首

史鑑 一首

楊汝諧 六首

何士顒 二首

喬大鴻 一首

吳興炎 一首

劉兆彭 一首

周遜 一首

胡玉昆 一首

諸廷槐 二首

徐兆魁 三首

沈端明 一首

湯修業 一首

朱箕 三首

冒春榮 二首

郭元灝 一首

石渠 三首

湯擴祖 一首

王廷享 二首

方竹 一首

黃家鳳 一首

張炯 一首

蔣謙 二首

李夢松 二首

劉堯 五首

牟戡 二首

王克紹 一首

于學謚 一首

張鑄 二首

鄧克劭 一首

趙鶴 二首

馬體孝 一首

劉壬 一首

劉時英 一首

李尙德 二首

潘性敏 一首

吳錠 三首

金孝懋 一首

金孝純 二首

孫魯 二首

何文煥 六首

陳萊孝 一首

曹煒南 一首

蔣元 二首

張誥 二首

何琪 一首

吳琦 一首

盛復初 一首

費辰 一首

楊奏瑟 二首

李寅熙 二首

沈家珍 一首

邵鑿 二首

左逢聖 一首

賀國華 四首

陶必銓 一首

何煥 一首

張世溶 二首

王壽椿 三首

何人鶴 二首



晚晴移詩匯卷九十九

徐世昌

查昌業字立功號次齋天津人有秣菴館集

苑口晚眺

三港迷離水接煙趁墟人去晚來天斷橋雜樹碧雲外落  
日亂曩紅渡邊野寺無鐙聞遠磬空山有月見歸船勞君  
西指長安近遷客多應住輞川

史鑑字晉狐號鏡湖天津人貢生

雨天卽事

睡起渾無事庭前得自如野花三徑滿村酒一杯餘詩逐  
層雲起人緣積雨疏眼看秋又到搔首獨踟躕

楊汝諧字皆言一字柳汀江南華亭人有崇雅堂詩鈔

詩話柳汀善書兼工六法詩以意爲主色  
蒼詞磊善寫情工體物沈學子頗稱之

游蝙蝠洞

層巒纔及半怪石劃然開亂瀑垂巖窟流聲到講臺道心  
依湛寂人語落崔嵬日暮雲歸岫紛紛蝙蝠來

紅橋修禊和盧運使

見會韻

韻

麴塵遙趁木蘭舟疊鼓鳴笳坐兩頭勝事百年流曲水春  
心三月滿揚州煙花南部憑料理冠蓋西園好唱酬自是  
老臣多燕喜清暉何限足句留

清華憶煞永和年吹盡錫簫水檻前十萬酒旗春市海三  
千玉指伎人船繡輪競接香塵滿珠樹遙臨壁月圓合有  
吳孃聯袂去茶歌飛斷蜀山巔

璵閣雲房綺襍通名園蝴蝶自西東場來上客題芳樹往

聽初鶯坐輓風細草鋪茵迴輦道晴山暖翠落杯中小素  
淮水桃花漲人影衣香入靄濛

碧螿朱欄夾鏡明巷中春腳賣花聲香驚小馬人扶醉詠  
到官梅雪鬪清江左金齋誇上水竹西蓮炬照歸城冶春  
樂府從頭唱分付紅牙譜細更

龍井紀游

廿年夢想風篁嶺茲游方遂平生期短筇扶我入深谷龍  
泓水滿山腰池尋源直到碧厓頂水簾十丈無人知苔衣  
薜髮翠欲滴奔騰下注千頃陂湖不可淫江不屈比之有  
道非阿私坐令辨才息行腳況復二老多題詩其中產茶  
甲眾嶺明前雨後分槍旗一椀乍辨色香味冷然始信清  
心脾我鄉宗伯董文敏公劇好事剏碑要並秦米垂蝕餘漣漫



不可識但覺古意饒幽姿層梯曲折俯絕巘湖光一罅閒  
中窺山雲變幻翳林木野花紅白紛交披叢篁鳥拂新粉  
墮落日漸與西峯離徘徊竊恐山靈笑登頓已足忘其疲  
還須直詣遠公宿坐遲新月懸蛾眉

何士顒字南園江甯人諸生有南園詩選

詩話南園爲諸生喜詩厭制藝居城市猶山林讀書樂近方外袁簡齋稱其薄醉微慵雨餘風停一付於詩久之而與詩兩相忘可謂語妙簡齋又言金陵有兩詩人一爲陳古漁一爲南園其詩才力遜陳而吐屬清婉頗見性情

除夕

閉戶徒深卒歲情竹窗風過響淒清身非無用貧徧暇事  
到難圖念轉平瓶裏梅花春早動樽前燈火夜深明承歡  
最好團圓處同聽庭闈笑語聲

燕子磯

危磯屹立與波爭何處飛來以燕名萬古羽毛蒼蘚潤一  
生飲啄大江清登臨自有凌霄意覽眺甯無弔古情閒羨  
水邊坐漁父垂竿風裊釣絲輕

喬大鴻字儀上號容浦寶應人貢生有槐陰樓集

滁陽道中

醉翁亭下路盡日少人行山色一城碧夕陽千嶺明斷雲  
含雨氣疎樹動秋聲我亦希前哲新詩馬上成

舟次淮陰感舊

荒城木落雁聲遲傍水人家短竹籬渡古尙餘垂釣客時  
平無復佩刀兒長隄曉露新栽柳野店斜陽舊酒旗回首  
故交凋謝盡一聲橫笛使人悲

吳興炎字龍漠號陶夫江南清河人諸生有燕石齋詩  
草

臨沂道上

潦倒十年事風塵一劍孤敗墳盤怒隼荒堡叫飢廳寒雨  
連宵滯秋花滿道蕪飛揚無限意半辱在泥塗

劉兆彭字述民號野塘寶應人諸生有拳石山房集

詩話述民與同縣喬守之秉之儀上湯鍾律荆垣  
劉又徐稱敦業園七子合刻其詩王西莊爲之序

客中書懷

客子畏逢秋蕭條動遠愁生涯餘短褐心事老孤舟對鏡  
羞窺鬢臨風怯倚樓無人共歌哭腸斷此淹留

周遜字惟敏丹陽人有敬修贖稟

題照

春秋愛佳日樹石自閒敞一與名士遇隨地得清賞君家  
有積德澤比良相廣仁心毓賢雋食報理非枉君於昆季  
中才志尤倣儻文思雲氣上胸次月華朗寄懷作此圖標  
格羨英爽右軍禊山陰高致略可仿大江南與北一水隔  
遐想欲采芙蓉遺臨風獨神往

胡玉昆字元潤江甯人有栗園集

詩話元潤畫稱逸品好作縹緲虛無之態不涉恆蹊  
詩亦不俗如林外草香初見鹿欄邊雲至幾疑僧情  
勝景俱

游靈谷寺

游人稅駕始容登五里森森千萬層林外草香初見鹿  
磻邊雲至幾疑僧誰來共話齊梁事極望當年風雨陵無數  
松濤爭作響護持眞藉梵王鐙

祖堂

一領袈裟挂屋西相傳一祖鑿幽棲山留雨露滋薇蕨寺  
儼羲皇絕鼓磬石磴苔深隨磗轉竹樓門敞與雲齊尋僧  
欲問禪家事夜半聞鐘月在溪

諸廷槐字殿掄號佃楞嘉定人諸生有嘯雪齋集

詩話佃楞詩列江左十子中爲王西莊所激賞詠明  
如云不到陰山冰雪地那知永巷是君恩用意深厚

得王叔華都中書卻寄

高閣倚徘徊相思桂樹開人從吳下別書白曰邊來異地  
誰知己清時獨愛才憐君明月夜寂寞上金臺

吳山懷古

金殿淒涼化劫灰夢梁往事重徘徊一聲白雁臨江下五  
月黃衣入塞來崖嶺雲深龍馭杳蘭亭月落翠旗回行人

莫問冬青樹忍聽年年杜宇哀

詠螢

水殿風清玉漏遲微明點點度  
罨恩返魂有恨青蕪老御  
扇無聲碧露滋銅雀夜深流  
獨影長門鐙暗照相思娟娟  
憐爾紛飛候多半雲昏月墮時

徐兆魁字書城號淡崖上海人諸生有過喜堂詩集

過潘忠定公廢園同吳竹嶼張少華趙璞函作

空林微雨落花紅昔日繁華似夢中  
依舊玲瓏一片石更無人倚笑春風

甲第今來車馬稀斷橋流水淡斜暉  
可憐芳草萋萋綠玉照堂前鴉亂飛

華首臺

佛桑紅白繞高臺拂袖孤青峯下來十里長松團紫蓋一  
羣馴鹿踏蒼苔月明碧澗空塵界花雨瑤階憶慧才華首  
何年依雅集滿山惟見白雲堆

沈端明字朗園陽湖人諸生有朗園小草

過南浦書院謁盛春谷師

隱隱翠微巔煙霞護講筵泉通茶竈下雲起竹窗前不信  
塵中客居然世外仙明朝別南浦清夢夜長懸

重晤朱碧梧話舊因懷張嘉會

離居忽半載今喜復相親共聽窗前雨因懷鬪酒人飄零  
三晉遠落拓一身貧聚首知何日空傷游子神

湯修業字賓鷺號狷庵陽湖人有賴古齋集

得錢魯思書

客中穿望眼忽得故人書  
念子三秋病嗟予兩鬢疏  
此生同渡落何計共樵漁  
儻遂鷓鷯願羈愁亦暫舒

朱箕字二亭號市人江都人諸生有二亭詩鈔

吳南野曰二亭貧不累心貞不戾俗刻苦爲詩目空前輩工夫在一字兩字之間他人莫及也符南樵曰二亭詩以蘊藉勝得中晚唐人風味亦有似陸劍南者五言如登臨羞短髮風雨滿高臺苦吟如入定謀食類還丹青山游屐在白髮酒人疏七言如四海有知非石隱三年不語是佳人西州涕淚羊曇醉北郭郊園沈約歸屬對精工

聽項炯菴吹笛

溼雲夕斂輕陰薄  
雨洗花光漾寥廓  
十斛春愁黯不開  
來過羅郎澆酒閣  
炯菴項君秦淮客  
卧向胡牀弄長笛  
絕塞風高斷雁悲  
寒江秋老嘒猿澁  
餘聲裊裊逐游絲  
落日花前天宇闕  
憶子客夢少年場  
桃葉桃根幾斷腸  
君歸試問



清溪水應記風流桓野王

木末樓

絕磴盤空上來登木末樓湖聲分旦暮山色變春秋樹古  
藏猿狖江清散鷺鷗午鐘送僧梵雲水思悠悠

吳暮橋招游湖上喜晤陳柏堂兼懷吳穀人編修日

下

佳客羸驂此暫停喜從鷗鷺戲沙汀飛騰壯志憑詩卷辛  
苦衰年倩酒瓶百頃煙光新漲碧一岡松葉遠山青相思  
季重情多少隔舫笙歌倚醉聽

冒春榮字寒山號甚原如皋人有甚原集縈翠閣詩鈔

詩話甚原與鮑海門李嘯村稱詩邦上  
雅潔明秀是姚武功嚴滄浪一輩人

吳山寓樓遲吳漁門不至

只有吳公子頻來慰客愁空山悲落日積雨卧清秋貧賤  
餘青眼艱難到白頭孤懷無可寄爲爾一憑樓

送客之淮陰兼訊長沙朱蘭田客況

秋老淮陰去悲哉行路心寒沙楓葉早孤艇荻花深有客  
羈蕭寺煩君問好音不歸復何事徒使夢中尋

郭元灝字清源吳江人有深柳讀書堂詩橐

詩話清源爲頻伽尊人砥學  
礪行芸臺惜抱皆亟稱之

石牀

雨細飄新簟雲深護石牀半亭吹落葉一枕納微涼林鳥  
依依倦巖花寂寂香支公遺塵在明月下方塘

石渠字芸亭如皋人諸生有雲停山館詩鈔

半山亭同陳益如顧嶠山作

孤峯天際插一徑路迴環目已窮千里身纔到半山松風  
時謾謾鶴夢自閒閒欲盡登臨興藤蘿手自攀

三月十五夜同蛾窗芝珊家冲飛賦

紅稀綠暗漫魂銷且把深杯作意澆半壁斜陽猶昨日一  
春圓月剩今宵誰家陌上青驄馬是處樓頭碧玉簫如此  
風光須盡興高歌莫負夜迢迢

歲暮書懷

短景荒荒逼暮寒北風吹入布衣單無多兒女深情繫有  
幾親朋熱眼看身賤徒然傷老大家貧倍覺怯年殘飢來  
一食尋常事慚愧陶潛欲乞難

湯擴祖字德宣號勉堂巢縣人有勉堂前後集

過訪隨園主人不值

花含宿雨柳含煙隱士園林別有天高卧白雲人不見一  
家雞犬翠微巔

王廷亨字于庭葵源人有約齋詩集

顧亭林訪陳顧侍郎野王遺跡

元初寶雲寺碑記略云顧亭林湖在華亭

東南三十五里湖南有顧亭林公嘗居此因以爲名寺始於唐石晉時移建寺南高基一僧夢公衣金紫稱梁侍郎告以斷碑處明果覓得斷碑僅存寺南高基顧野王曾於此修輿地志十四字因建祠寺之東偏公爲陳侍郎夢稱梁明其不忘故主云寺歷朝興廢不一祠甚卑陋非復舊規寺東杯土人指爲公墓荒沒難辨惟見古碑數行耳

海隅風物紀來眞策策探幽不厭煩浮世難逢千歲鶴斷  
碑如對六朝人滄桑幾度名猶在金紫何緣夢再親寂寞  
亭林湖畔塚只餘荒寺伴青燐

禪關寂寞幾更遷塵幌蕭然古佛邊一旅勤王懸日月景

之亂公倡  
義討賊

千秋護法黯風煙清光渺渺平湖遠靈跡悠悠

片石傳爲問九原逢故主捨身曾否到諸天

方竹字白山續溪人貢生有抱山集

畫華山墜驢圖題跋

華山道上驢一蹶天津橋畔鷓鴣饒舌炎宋官家三百年城  
復隍兮只中葉紛紜五季弄兵刀黑龍檢點加黃袍燕夏  
二陰蚤根極從茲滑亂持何牢華山面識太平主南北何  
曾一土宇虞天誕降香孩兒差強斧屐鼠變虎值得先生  
笑口開一笑還嘲一跌來明日歸山戲作此且學大睡希  
夷子

黃家鳳字九簫休甯人有澹園集

舟望

半山雨氣半山晴江上人家樹作城插徧早秧收盡麥枝頭猶自喚催耕

張炯字季和號星齋宣城人有黃山紀游詩

途中雜詠

隔生仙骨本難如幻蹟流傳屬子虛一自琴高乘赤鯉何人解釣藥渣魚

蔣謙字繡躬鉛山人有樵雲詩草

寄懷心餘姪

大雅沈淪後名流泛濫時長才人莫及細意我能知囊括元精祕雕鐫物象奇百年文教洽鼓吹繼風詩

生逢明盛日立志肯蹉跎似汝匡時好如余奈老何雲霄終竟隔歲月等閒過看取茅連茹甯當遂薜蘿

小徑

小徑傍牆陰欲行還躑躅因憐落瓣紅轉惜新苔綠

李夢松字梅偕號歎夫臨川人諸生有歎夫詩藁

肇慶舟中

朱曦得殘暑金風吹覺善牽事心不甯身倏爲之轉蕩舟  
過曲塢潮自爲深淺息慮斂煩襟孤鴻入繡幟

偶意

北斗不可挹南箕不可揚古人已有言何能爲感傷人皆  
飯王孫漂母反不貴立身在貧賤敢不爲之地咄咄東郭  
人此態堪一喟

游鼎湖

寺鐘敲木末幽草布香輦泉聲出小谷樵路行初穩白雲

雜還起虛裊作龍蜿穆然欽古帝吾心得曠遠

劉堦字澹園諸城人有挹秀山房詩集

詩話澹園爲石菴相國從弟唱和最多詠物諸作寄託深遠石菴題其集云神虛婉約除煩去隘爲最上乘如欲雅而復豔則所謂法不孤立仗境方生自有時節因緣耳其語深得詩中三昧

羅漢過海圖次韻

海於天地爲巨物橫目見此驚無邊或云眾水所蓄積坐令陸地爲深淵我聞尊者此示象一航穩似香臺蓮颯風不作鮫鱷靜知有神物爲之先舟行不徐亦不疾到彼海外當何年大鵬不徒爰居避海若自小河伯旋惟有日月爭出沒騰暉照耀波光鮮送者幾輩自厓返回顧但見帆微翩此時祕怪千萬萬爭欲頂禮焚香煙仁者願大無分別孰爲靈蠢孰凡仙當時各各契微妙同視海水川渠然



了知此說是眞實揮毫更以丹青傳紛紛大小都滯相拘  
墟鄒衍方談天

滄州鐵獅子歌用韻

尋常刻石非不偉門外屹立如鬱壘年深不免有缺壞一  
笑摩挲憑劄子似此頑鐵多歲年惟以無用終其天彫刻  
雲根縱云巧牙爪摧殘絕可憐理本如斯漫惆悵一事一  
物有衰旺君不見伶官贊裏說莊宗晚節何衰始何壯憶  
昔歇馬乘午涼知有鐵鑄百獸王古堞顏垣半禾黍平沙  
細草眠牛羊有物不動如被擄又似天生在茲土較量其  
壽定千年親見此城盈萬戶休嫌黯淡無輝光若爲千鎔  
眞不祥至剛必折本至理豐城豈得終埋藏受成不變豈  
非數坐閱滄桑等朝暮時有過客攬形狀詎逞雄威嚇狐

免昔常詢諸博物家此獸產處逾流沙吼聲一發震山谷  
徧體火生如紫霞畫成見者皆驚歎雖未卽眞思過半以  
鐵爲之世更希鑄處光應上霄漢遂令頑質發光彩亦以  
難毀享遐算問渠歲久何所爲春長蘚花寒雪片

臥鐘

已是無僧顧還應比石堅蒼苔古紐上春草寺樓邊虛壑  
留遺響空山想昔懸宏聲本無盡強起待他年

廢檠

委地憐長棄焚膏念舊勤光無今昔異人自短長分藜火  
非凡照珠光更絕熏分輝知不得聊此繼斜曛

厯下亭和韻

亭中渾勝坐孤蓬落日雲山一望中邂逅朋儔盡名士連

延秋色足花叢近人鷗鳥原無滓帶兩山雲久漸空雙展  
幾番湖畔路那能鴻爪問西東

牟峩字延陵棲霞人諸生有蟬吟集

過田家

十里重重山對開一逢佳景一徘徊村於叢柳疏邊出人  
自高梁綠裏來當路橫垂林有果傍籬穩卧犬無猜倩誰  
爲繪田家景添箇征鞍曲水隈

海上分韻得天字

晨昏誰職汐潮權氣象當年有萬千始信東南眞缺地驟  
驚風雨不因天蜃樓市結蓬瀛外番島人來日月邊我欲  
乘槎登彼岸測量橫占幾星躔

王克紹字薪亭號閒雲膠州人諸生有閒雲詩草

登滕王閣和子喬

扶病上高閣子安安在哉文成亦有命老去莫論才山色  
周遭在江流日夜來感君盛意氣憑弔不勝哀

干學謚字小晉莒州人有焚餘詩草

惜餘春

當時只是望春回不道春來愁共來於今最惜殘春去無  
奈春去愁偏住我愁不是爲春愁愁在闔闔十二樓帝闈  
渺渺憑誰叩弱水茫茫絕行舟卻從麻姑向東海卧看滄  
桑幾千載桑田變盡海中波一段心情鎮常在我有琢玉  
連環紐願繫君恩得長久我有百鍊雙吳鉤與君試斬蛟  
與蚪天高日遠難爲遇以暗投人不知處玉京回首空白  
雲瑤臺別路隔紅塵花前可惜對餘春清歌未了涕霑巾

張鑄字仲陶嵩縣人

和王南溟見寄原韻

不是終南路何妨一閉關坐看雲出沒卧聽水潺湲花落  
魚吞去煙飛鳥帶還瀟瀟風雨夜隨處長苔斑

谷行

行行危谷裏夾岸草萋萋樹東青天窄山圍白日低游人  
衝暑去疲馬向塵嘶前路知何處孤村暮色西

鄧克劭字如許靈邱人諸生有自適集

游懸空寺

石屏千仞立古寺半空懸淨土絕塵境岑樓綴遠天一彎  
巖畔月半壁畫中禪俯視行人小飄然意欲仙

趙鶴字鳴皋號白山榆次人諸生

張貞女

嶧縣人字姑子藍生將婦  
生死於湖女歸姑家守志

早寡已足悲況當將嫁時艱難思魯女風雨黯湘纍一痛  
成今古終身斷涕洟妾心如古井地下不須知

詠古呈秦清定先生

奉母徐元直全身管幼安老瞞欺不得落落兩儒冠

馬體孝字翁恆山西鳳臺人諸生

懷中詩

賦性由來似野牛偶攜竹杖過江頭飯囊帶露裝殘月歌  
板臨風唱晚秋兩足踏開塵世路一生歷盡古今愁從茲  
不復依門戶荒犬何勞吠不休

劉壬一名廷揚字源深三原人監生有戒亭詩集

東鎮夜發

蕭條東鎮夜行客意悽悽月影隨疲馬風聲雜曉雞白雲  
家遠近黃葉路高低不見宏農守青囊我倦攜

劉時英字軼倫富平人有其恕堂稟

詩話軼倫能詩爲諸侯賓客治官書暇不廢吟詠詩  
紀烏魯木齊事謂布爾喀布拉克台西有地周百餘  
里土皆飛灰置物其中立爐謂之火陷精河屯西北  
有地周千里土似蠟商人馬誤入沈陷沒頂謂之友  
陷蓋其時西域初定傳聞異  
辭不妨擗摭以供談助也

秋夜

不復聞刁斗長吟酒一卮寒蟬鳴古樹驚鳥落高枝有恨  
人衰矣無才歌已而行藏那可問辜負菊花期

李尙德字南若號梓軒狄道人諸生有梓軒詩草

月夜作

靜夜待明月月高人始眠覺來明月色猶在草堂前起坐

弄清影孤懷方悄然松風吹萬籟餘響入山泉

任節婦詩

好水溝前月夜寒柳林深處雪漫漫閨中自有眞嬰日莫  
作尋常寡鵠看

潘性敏字鈍菴號清溪狄道人諸生有清溪詩草

登山

乘興登山去芳林漸欲暝鳥歸千嶂樹人下半溪雲曲徑  
幽難覓遙村近始分行將居此地麋鹿共爲羣

吳錠字握之狄道人有耳山堂詩草

山居寄張星乙

一畝園中半畝花蕭然物外足生涯吟成白雪難爲曲游  
徧青山懶到家傍舍寒松曾駐鶴當門疏柳亦藏鴉故人



若肯重相訪。缸面新篘酒。易賒。

九月五月初雪

漸覺重陽近。東籬菊綻。初秋風吹落葉。大雪到寒廬。宋玉  
悲遙夜。袁安悵索居。乾坤銀一片。圖畫恐難如。

宿康子中山亭

君住西山更在西。子孫相繼老鋤犁。雲間貰酒方尋阮。柳  
下安爐獨憶嵇。一枕落花春夢蝶。半窗殘月曉聽雞。何當  
偕隱幽巖上。徧躡真人萬丈梯。

金孝懋字勉軒仁和人

春霧

未成涓滴望依微。正值春光嫩綠齊。小院暗疑梅雨密。平  
蕪誰辨柳煙低。不愁步履蒼苔滑。只恐看花老眼迷。天上

曉寒樓閣迴衍波牋好試新題

金孝純字粹齋仁和人

未起

未起心猶寂初迴夢已空曙光鏡影外春意鳥聲中菊枕  
頻敲雨蘆簾不受風自慙小室賦無復蔡疑工

新涼露坐

小小盆池皺綠漪嫩涼庭院晚風宜人來茉莉香生處秋  
在闌干雨過時便作東坡瓜子會更催杜老藕絲詞何當  
自入名山去竹几蒲團靜與期

孫魯原名煒字浩如號嘯甫嘉善人貢生有遜吉齋詩

草

詩話嘯甫工詩古文辭紀文達王文端先後視學閩  
中辟佐校閱以國士遇之嗣由贛而滇而粵迭主書

院講席造士稱盛與王述庵交  
尤探詩亦和平溫雅如其為人

曉發龍江寨和王惺園學使

已逐風塵跡敢嗟行路難五更山月小六月海風寒戍鼓  
沈松徑村雞曉竹關兵戈消斷久無復惜荒殘

立春日浦城道中

甌越溪山儘足誇勞人重復度仙霞偶因身到聊題句卻  
為春來便憶家野水何心常繞郭疏梅無主自開花經過  
南浦橋邊路碧草芊芊茁嫩芽

何文煥字少眉號也夫嘉善人諸生有無補集

詩話也夫嘗觀歷代詩話精校彙刊後附考索一卷  
持論亦極精確中有一則云我輩不可作俚杜文章  
蓋謂俚鄙杜撰也嚴滄溟云押韻不必有出處用事  
不必有來歷殆未免是耶可知其致力之深惟足跡  
不出里閭人無知者獨此書尙有其流  
傳耳其鄉人有錄其詩者擇雅登之

秋山行旅

西風下木葉蕭蕭湘水波空山黯秋色肅肅鴻雁過渺邈  
思帝子羈人發長歌徬徨駭巖壑煙光暈薜蘿

大石屋

結構高巖上凌虛別有天漫將山作屋還就石爲山樹色  
森遐坂風聲咽細泉下方人不見占斷白雲邊

再集永宇溪莊

重游愜幽賞首夏綠陰新日月不可駐風光殊悅人絲桐  
發逸響興洽對金樽窗靜眾香吐樹深百鳥喧流雲多故  
態閒曠夙所珍逍遙望千古一笑付清言

秋日有懷王修竹志熙

名士今誰數風流王子猷一時文水別八月武林游虛館

綠陰晚高原紅樹秋何能忽相見雲遠思悠悠

鴛鴦湖雜詠

村深午後不聞雞時有幽禽隔樹唳問著春光何處好  
脂橋在望吳西

船似飛鳧掠斷磯屋如蝸殼掩寒扉九舫潭下秋波闊七  
里橋邊春水肥

陳萊孝字微貞號誰園海甯人有誰園詩集

詩話微貞詩數初白心摹手追篇章甚富其集未刻行稟本至今尙在海王村市也

過半江叔惜陰書屋

仙客題詩處秋來幾度經海茶紅爛漫山鳥翠娉婷市遠  
煙蘿淨人閒筆墨靈客嘲吾不解安穩卧元亭

吾愛吾宗老風流孰與同政多循吏績交有古人風門對

湖山好家傳唱和工問奇來往熟渾忘寂寥中

曹煒南字承哉號嶠樵嘉善人諸生有曹嶠樵橐

初春睡起得句

日到蓬門睡起遲偶然得句便成詩客來欲問春深淺試  
看梅開第幾枝

蔣元字大始號澹村平湖人諸生有叢桂堂集

讀袁機仲通鑑紀事本末

武皇英略重開邊通道西南邛冉滇一自夜郎臣服後棘

童衮馬自年年

漢通西  
南夷

務勤遠略廣威恩旄節兵戈出玉門但使蒲桃天馬至不

妨公主嫁烏孫

漢通西域

張誥字士周號耜洲平湖人諸生有耜洲詩鈔

書憤

屏跡空餘世外身十年懷抱恨難申固知張詠常違俗誰  
信曾參不殺人蟲臂鼠肝無作有白衣蒼狗幻疑眞傷心  
只爲同心死說與旁人恐見噴

立秋日山莊卽事

昨宵一葉下庭梧爲報山莊烈日暑徂投老縱驚時易換迎  
涼如遇病初蘇遠林殘照疎蟬響小院新晴獨鳥呼問我  
沈吟亦何事臨溪卻笑柳州愚

何琪字東甫號春渚錢塘人有小山居詩藁

詩話春渚博學能文章書似華亭尤工八分兀傲不  
諧於俗所居枯樹灣灣南多漁人居自號南灣漁叟  
得馬湘蘭硯自號湘硯生晚慕石守道唐子方之爲  
人又自號二介居士阮文達欲以孝廉方正薦賦詩  
辭謝文達答詩有清名已被  
左雄知之句春渚蓋狷者也

汪員外魚亭招同杭太史葦浦陳丈江皋陸二篠飲  
集振綺堂卽送江皋之餘杭

舊雨分攜思不禁尊前錄別共題襟舟穿北郭拏音緩山  
入南湖黛色深小醉定尋仙姥酒歸裝應載伯牙琴洞霄  
覽勝虛前約劇欲相從快一臨

丁丈龍泓嘗約游洞霄宮不果

吳琦字赤玉仁和人諸生有圭齋稟

從七佛寺上雲棲山

言尋七佛寺晚向雲中攀秋雨颯然至人行寒翠間疏鐘  
來樹杪遠火逗松關直造蓮池座潮音徹萬山

盛復初字子亨號春谷秀水人有且種樹齋詩鈔

詩話春谷於乾隆壬寅主講涇縣雲龍書院次年袁  
簡齋游涇與春谷在琴高臺畔分韻賦詩春谷詩先  
成簡齋爲之閣筆



且種樹齋對客

客云種樹人乘涼吾言有地且種樹但得綠陰成幄能庇人此身安論去與住君不見昔時王子猷借居種樹盈庭幽主人何人屋何處子猷佳話今還留

費辰字斗占錢塘人有榆村詩集

卽事

曉山煙溼翠冥濛寂寂春回細雨中  
新柳未勻濃淡綠小桃初綻淺深紅  
燕歸簾幙池塘冷人靜秋千院落空  
白裕衣輕寒料峭今朝花信幾番風

楊奏瑟字肇羲江山人貢生有響泉詩鈔

山行

登山蹴雲飛便欲乘雲去白雲不相待  
先出巖巔樹雲行

但向風我行猶窘步獨立倚半山緩緩江村暮

登玉山縣城樓

地扼東南隘無關亦號關樓當三面水城割半邊山天馬  
澄江外虹橋落照間驟車紛絡繹早晚不曾閒

官溪春興

楊柳東西岸桃花裏外村板橋春雨滑林屋午雞喧地僻  
無車馬風清長子孫勝游吾已徧此是武陵源

李寅熙字賓日號秋門嘉興人諸生有蠹餘勞歌呻吟  
等集

天津關曉發

侵曉眠難穩頻呼倦僕磨嚴程憑馬力殘月見衣稜關近  
更催鼓橋浮板滑冰道旁賣漿者鐙火已宵興

春日憶故園游好

輾轆輪蹄久倦游，噉名無益合歸休。  
勞生行役魚頰尾，小技文章豕白頭。  
南郭有竿仍寄食，北平無命到封侯。  
煙波一勺鴛湖水，有約終當買釣舟。

沈家珍字寶傳號樸園桐鄉人諸生有竹素居詩存

昭明太子讀書館

讀書館築近郊，圻興廢由來歲幾經。  
草長春深仍吐碧，墩留代遠尙名青。  
尙書墓古人誰掃，蘭若鐘鳴客自聽。  
珍重前星遺像在，崇祠累葉薦芳馨。

邵塾字安侯鄞縣人諸生有冶塘詩鈔

夔門晚泊

魚浦雄關勢遠吞，左連巴夔石湘沉。  
波濤不洩窺吳恨，雲

雨誰伸夢楚窳陣列龍蛇圖上見石成象馬峽前蹲欲尋  
老杜題詩處日落煙寒野色昏

游翠屏山志感

天匠鑄山骨如龍蜿蜒附羣峯觸類長屈指難悉數四圍  
作屏翰一綫斜通路躡磴上煙叢林奔曲迴互聖泉沁心  
脾嵐翠黏衣履名區得名人巖石乃成趣溯昔有宋時先  
世曾此住窩仍安樂名疑有鬼神護渺矣人風遙忽焉佛  
日度貝梵及鐘魚歷朝朝暮暮甘棠翦且伐誰爲美嘉樹  
祠宇家無譁誰爲奉香炷生前磊落者定無毫髮忤釋耶  
與老耶初不礙儒素不同歸幻塵孰似此僑寓當共青山  
色今古長如故

顧州司馬招游蟠龍洞

眾峯環一峯地軸高屹巖古洞豁雲根深邃凹無凸洞門  
蔭老松惜哉一已缺拈花微笑人妙相左右列正中鍾乳

懸有若廣長舌

中垂石柱上豐下銳

神仙龕尙存於茲傳丹訣

相傳蜀將

張卞從先主征吳兵敗於此得道仙去

少進徑盤紆前途黑於鐵曠如復奧

如何年鬼工設我相與人相渾不辨一切投炬照光明多

取防撲滅著腳滑滑泥彳亍行不輟石骨冰

去聲

人寒頓消

五情熱終古闕日光兩柱相蟠結眾瀨束盈坎神漢噴如

雪渟作萬丈湫蛟龍以爲穴禱雨雨卽施吾聞諸鄉臺遷

迤出幽厓碑苔類剔抉司馬詩法嚴賦景歎超絕一一鶴

聲飛句好我未竊

有以余曾竊魯明府慶所刻游洞詩爲己作者故戲及之

左逢聖字孔時號仁鄉湘陰人諸生

詩話仁鄉大父病癘數年與其父共侍左右嘗晨起特藏衣浣於江涕泗交流見者歎爲誠孝處饑爲粥

食餓者雪夜聞老人夫婦對泣問知其寒歸與婦蔣  
謀撤牀被與之授徒捐介不欺沉湘耆舊集錄其詩  
一篇乃勸其弟子歸農者鄧湘皋謂  
可概其生平季高相國其曾孫也

### 舉舉誰氏兒

舉舉誰氏兒行年十四齡父祖耕田夫奇兒期有成謂兒  
似不凡令兒來受經入門叩所業歷歷如可聽書詩春秋  
禮上口略不停狀貌亦修飭乍見喜還驚徐徐授之業乃  
大不中程外惠中則乾天荒塊頑冥自兒登我堂倏忽裘  
葛更家貧禮數勤餽問必潔精袖中吉貝布織白六丈羸  
云出慈母手束脩聊自行再拜謝主人此情非所甯貧家  
六丈布績織冬春并晨霜紡磚白宵雪篝鐙青兒學不寸  
進孤汝賢母情吾何德之堪言之面顏頰人生於天地小  
大各有營土農工與商執一可以生兒生家世農曷不返

歸耕居處樸以敦孝友父與兄何必讀書詩然後成名聲  
汝師家雖貧短褐猶蔽形還兒雙匹布哽咽還涕零

賀國華字用賓善化人

詩話用賓爲耦耕中丞大父孤露清  
貧傭書自食詩風格清老不假修飾

秋夜

夜永貪孤坐新涼一味澂水明先見月人靜漸親鐙葉落  
山窺戶花疏石露稜壯懷霜共冷不復夢飛騰

春暮郊游

寂寂春光晝掩扉不知春事正芳菲雙柑斗酒偶然出柳  
絮梨花無數飛清剛風柔鳩語靜野塘雨足鰕魚肥夕陽  
一路經行處陌上人歌緩緩歸

蔡忠烈公墓

握拳嚼齒憤難堪殺賊猶思一戰酣聞說張良如好女可知南八是奇男魂飛閩嶠親難顧命共潭城死固甘來往埋靈坡下路極天松柏翠鬢鬢

江行

碎煙零雨日霏霏兩岸江流擁翠微高挂一帆風力飽扁舟如挾眾山飛

陶必銓字士升號黃江湖南安化人諸生有英江詩存

詩話黃江躡躑名場以經學授生徒刻苦自勵以子文毅公貴拜封贈祀鄉賢嘗用彤家言集資建塔縣城南塔成安化科名果勝於往日亦足見其慷慨能任事也

沅江舟中

小艇乘流駛桃花水上行湖連雙岸闊天遠一峯晴歲月風塵老江潭性命輕空嗟髀肉滿況近蜀王城



何煥字星田湖南甯鄉人諸生有岱下吟

晚步

秋漲雲俱闊村敲樹半遮落帆迴暮雁歸犢載寒鴉坐石  
樵歌近尋僧竹徑斜行吟過小巷澹月到山家

張世濬字明遠一字哲甫湘潭人有觀瀾堂集

懷嶽麓

憶昔攜開士閒游徧履蹤酌泉尋白鶴呪石倚青松遠梵  
雲中聽荒碑月下逢北山空負卻仍是舊周顒

發衡山縣

嶽雨千峯暗江天一棹開鯉魚風欲老鴻雁影初迴幾挾  
游山興仍虛作賦才行蹤定何日重躡白雲隈

王壽椿字莪坪成都人貢生有蛙鳴集

古意

郎如江上船乘流不回顧妾心江上水婉轉隨船去

入棧

遠望白雲生行到雲中立舉頭不見雲但覺客衣溼

山行

驛路繞迴峯凭高四望通人家秋色裏牧笛暮煙中野水  
奔田急山花點徑紅正尋投宿處山市小橋東

何人鶴字鳴九縣州人諸生有臺山詩草

詩話鳴九少以報父仇擊殺佃人袁某自詣獄遇赦  
免浪游南北所至與諸知名士酬唱詩多斐然可誦

與劉芳皋昆仲出齊化門放舟二閘

積悶久不舒今乃得縱遣蒹葭引之去水與秋空淺極意  
恣幽探心開目愈展樹老一蟬鳴舟輕平浪輒鷗鷺淡忘

機飛飛時復轉逸興豁天懷吟情推妙選我本戀漁樵君亦忘軒冕九衢車馬客得此亦云鮮拾句付奚囊歸途冷然善

龍州山家

聽說山中景人間別有天熊眠深箐雪虎嘯暮崖煙關閉  
鐵龍堡蠻分白草川地磽征賦少收麥代輸錢

題孫貞堂先生

文煥

海樓書屋

兩鬢絲添發浩歎流光如駛赴征鞍人間不盡高低路天  
意先分大小寒獵罷秋原三窟穩月沈霜樹一枝安支頭  
便入華胥國不戀邯鄲夢境歡

晚晴移詩匯卷九十九終

晚晴詩匯卷一百目錄

韓對 十二首

顏檢 七首

劉清 四首

楊廷理 四首

汪中 十首

楊芳燦 十七首

趙廷樞 一首

曾鏞 一首

袁文揆 四首

張太復 二首

侯坤 二首

王宗獻 二首

劉廷鏞 一首

吳樑 一首

宋大樽 六首

黃定文 七首

徐彬 一首

張吉安 二首

王焯 一首

李華春 四首

張誠 五首

吳棫 四首

汪彝銘 二首

韋佩金 七首

楊元愷 二首

王元勳 八首

章學誠 八首

晚晴移詩匯卷一百

徐世昌

韓封字桂舫元和人乾隆丁酉拔貢官至刑部尚書罷  
賜三品頂帶署刑部侍郎有還讀齋詩藁

詩話桂舫敏憲中外五十年政事餘暇未嘗一日廢書故以還讀名其齋其詩高明和平沈厚排側讀之使人增忠孝豈弟之心

贛州夜泊次香杜韻

到此雙流合遙看百雉開人家寒食節風雨鬱孤臺山色  
周遭在濤聲日夜催繫舟吟望處遲爾謫仙才

爬沙行

自保昌達始興沙漲舟膠役民夫推挽而行謂之爬沙夫中有稚女問其年纔十一余憫

之爲作是詩

保昌城外爬沙夫有吏夜半來追呼短衣赤腳水面走被

驅不異鳴與豬沙深一丈水一寸爬沙要使船頭進沙堅  
陷船船頑鈍篙師舵師無權柄麾夫前進各奮發排募經  
時始兀兀前者攫拿引臂猿後者戴負縮頭鼈二十人中  
老羸半就中有女年十一兒嬉跳躑逐隊來耳墜銅環額  
覆髮細聲蚯蚓強呀咻瘦腳螳螂欲蹉跌是時月落天昏  
黑沙岸槎枒生怪石失手戛撞吁莫測女兮女兮爾獨非  
人子我心怛怛爾休矣孃媿爺耕爾代勞爾縱努力有  
幾給以青錢飼以餌亟歸博爾爺孃喜猶勝呱呱饑欲死  
香閨婉婉知幾何深藏未許風吹過人生由命匪由他

射圃草亭初成與同人較藝

冷官無事闢矍圃新亭峩峩立舊礎編茅作蓋土作階縛  
竹爲欄紙爲戶一日畚插二日成忽遣荆榛化堂宇坐依

碧篠落襟袖卧看青山到帚塵不知主人義何取公然欲  
爲亭作主疏狂幸許託聖明奔走已復息旁午門前竭來  
舉舉士牆角佇聽淵淵鼓申令頗亦峻賞罰進耦儼欲勒  
部伍金爪聲徹餓鴟鳴白翎影作飛鳧舞卻愁手硬繞叢  
棘更苦力薄怕強弩長短廣狹上下旁畢竟將心安何所  
在喜駢弓漸調習無那皮鵠偏抗拒裂帛一聲忽破的旁  
人大笑觀若堵賴有先生能解嘲李淑仲底事將軍不好武  
晁任齋邇來半月頗滑溜百發居然得十五翳我無心無不  
可中固不惡否亦許平生百好百無成學書學劍終何補  
況于此藝小嘗試無乃班門強弄斧引睡免辱文書翻破  
悶猶賢博奕賭世無甘蠅與飛衛亭中之人勇可賈

海珠寺



五仙門外海連天色爛牟尼石一拳萬里風煙藏佛骨六  
時梵唄到樓船半空尙挾魚龍氣照夜常疑日月懸食采  
元臣肅遺像

寺樓祀宋李文簡像

禹山俎豆自年年

將度梅關阻雨

五更急雨逐風顛弭棹滇江滯去鞭野徑溼雲沈岸草荒  
汀宿火漏魚船乍醒瘴海三年夢未了天南一日綠蓬底  
不妨成獨卧起看雌霓貫城邊

守惠濟牖遇宋西樵明府運銅北上共飲至醉作歌

貽之

宋名簡已酉進士揀發滇南任麗江令

黃河西來直如箭牖高三板苦白戰孤蓬兀守睡昏騰洗  
眼忽覩故人面間關萬里來滇南飄泊一官同客燕倔強  
不善事上官轉運京銅八十萬昆吾之質精且良礪礪歷

落裝滿艙遠從巴峽穿瞿塘石齒衙衙森劍鉞訇然撞擊  
首尾張委棄豈汝能周防繩纜萬夫沈水取入飽蛟龍出  
豺虎江聲鳴咽江水赤千百曾無返十五來時孟秋今孟  
夏十月征程半天下驚魂羈魄天公憐從今王道真不平  
憶昔長安同躍馬交情脫略世應寡豈料年來迹轉迷那  
知今日杯重把男兒自是可憐蟲吾輩原非食肉者波平  
月上清風來安得河水變玉醅與君長夜傾千杯所惜明  
朝牖板開眼前呼舞俱塵埃

遊寄暢園

卽惠山  
秦氏園

九龍山下白雲居策杖招尋此地初喬木百年生晝暝殘  
花一塢殿春餘竹間樓並巖巒起水底天開洞戶虛幾度  
宸游輝墨寶至今父老待鑾輿

南天門

一徑緣秋毫連山入太古孤雲敬松蘿長風嘯豺虎鞭鐙  
慘不驕瑟縮戰兩股爭此一握天豁然開洞戶闕愁大荒  
落低見眾星舞迴視未登客萬蟻穿綫縷始知所歷高上  
界足官府書生老蓬華壯觀從今數狂吟勅勒篇浩氣莽  
天宇

富春舟中

一樞富春渚空江木葉稀飢鳥入雲叫野鴨傍人飛水落  
岸容靜帆低風力微舵樓晚飯好頓頓白魚肥

嶺梅每歲十月先開今立春後過嶺而花極繁盛山  
僧云去冬風雪嚴寒花遲兩月前此未有也

多謝千株嶺上梅故人不到不先開耐寒氣得中原正破

夢春隨使節回山寺雲深封薜荔巖扉徑滑瘞莓苔只愁  
別後遙相憶未必花時我便來

發南安

入秋何亢陽一月無滴雨老農泣枯苗行客口生土弭糧  
迫嚴程解維下橫浦火雲屯高崖沙岸斷枉渚數里間一  
灘清淺不容武誰家橫築壩規畫肆奪取車戽虹飲川輪  
激曰投杵所餘涓滴流碎石又齟齬作梗勢方張聞聲氣  
先沮挽牽困纜索撐曳窮篙擗臂喊乃齊跳身勇能買  
掉泥龜曳尾趨草蠡動股死力掙頭顱猛氣積腰膂轉關  
撼坤軸出地奮雷鼓濺沫跳珠璣流藻濯綺組是時日方  
中火織張卓午偪仄短篷間知魚臥鬻釜豈知波面人水  
濡更火煮裸體焉我浼裂膚竟誰撫而我方卓然兀坐不

猶愈傾漿碧沈杯展筵白揮羽戩尺判苑枯性命懸莽  
少焉泊前灣新月一鉤吐爭浴喧淪漪晚飯命儔侶方欣  
生事優未識向來苦夜半涼風來雨勢蓄猶怒明當倒銀  
漢力致多稔黍豈獨利行舟江潮漲幾許村醪行可沽一  
斗吾勞汝

雲篔見示龍槐寺同飯崇效寺看花之作復次其韻  
結廬人境車馬稀春殘猶自戀春衣百年幾度花前醉一  
飯不忘天下飢樹老無枝龍自卧樓高有級錫能飛爲貪  
欲盡花經眼藉草相將坐不歸

顏檢字惺甫連平人乾隆丁酉拔貢官至漕運總督有

衍慶堂詩藁

詩話惺甫詩不名一家而忠孝友愛之言莫不從性  
情中流出自題詩卷有獨彈古調有真趣能解愁懷

無變聲之句  
足規懷抱

晚秋詞

斜陽欲落猶未落閒庭悄悄風吹幙禽栖倦翼入疏林菊  
寫芳容剩殘萼深閨寂寞涼侵肌秋怨秋愁將語誰手執  
并刀共牙尺親裁長短寄寒衣

巷柝沈沈夜已承凌晨頓覺秋光冷霜樹低垂鴉未飛玉  
爐初暝煙逾靜佳人睡起倦含嚔欲整衣裳粉自勻身倚  
闌干意惓悵庭前尚有未歸人

送酒至興隆寺作歌東樹崖

山雲淦淦山風微雪花點點如花飛笑君無事抱膝坐風  
生几席雲生衣豁達胸襟溢眉宇皤皤其腹豐其頤豪興  
於此正不淺何堪藜藿充朝飢故人贈我春釀酒烹鮮更

佐沐魚肥吾儕山居任嘯傲還同野馬無羈羈好景在眼  
杯在手酌酹痛飲復奚辭命我僕捧君卮瓶已罄再酌之  
但期耳熱情胥怡此味何必他人知雪如不止山路敲君  
其醉矣無須歸

春雁

春雨灑我庭好風吹我衣雲影留微陰日光澹餘暉雁陣  
來玉門嘹唳長空飛修翎度雪嶺回顧嗟天涯同此聲噉  
噉遺音胡不悲湘水非故土良時早旋歸

由蒲圻口曉發

一舸凌江去江湖匯百蠻洞庭匯諸蠻黔南之初陽爭曉水至巴陵與江合流  
樹宿霧失青山風到帆敲側天空鳥往還垂楊猶未老秋  
色淺深間

過岳陽樓

西湖湖水闊東湖湖水長東西同一湖湖色爭天光我昔  
曾往東湖去時忝作瀟湘主我今復向西湖游游蹤重  
上岳陽樓岳陽樓下多檣櫓天高秋朗澄沙渚晨光暮靄  
氣萬千日往月來人今古古今作者皆登臨誰識先憂後  
樂心山岳江湖自形勝乾坤吳楚多胸襟胸襟亦何託古  
人不可作先蹟手摩挲樓中有先中丞聯額手蹟讀罷淚併落淚落不  
能收霜露春復秋回頭已卅載此日來孤舟此日孤舟空  
往還半年三度看君山三度君山長不改嗟我白髮非故  
顏

微雪得句

塔影依牆立鐘聲入暮來雲飛高嶺薄鳥掠夕陽回老眼



惟餘倦閒心未盡灰雪花飄不住簾下好銜杯

劉清字松齋一字天一貴筑人乾隆丁酉拔貢歷官雲

南布政使改曹州鎮總兵

詩話松齋幼孤事繼母楊恭人至孝年十八折節讀書尤好左傳識兵法後官四川由縣丞至監司所至以廉惠得民心民呼劉青天仁廟親鞫賊首王三槐於瀛臺三槐供言官徇民反上曰四川一省官豈皆不善耶三槐對惟有劉青天一人御賜松齋詩云循吏聲名遠邇傳蜀民何幸見青天頌示各直省督撫松齋未生時有童謠云拔貢總兵果終於登曹二鎮任登州時重修蓬萊閣與土人嘯詠其上

道光壬午五月自曹鎮任奉命致仕返黔俶裝將行

賦長句四章敬以紀恩兼用誌別

卅年冒寵玷朝班詔許全家返故關善飯尙誇身手健戀恩先悵鬢毛斑年來衣食皆天賜老去林泉得自閒萬里棲霞知好在只愁無計買青山

秋風欲別轉流連回首雲山緩著鞭千里桑麻爾海岱萬  
家井竈息烽煙駑駘未必知前路樗散空教養大年疊荷  
君恩猶未報虛名敢媿況青天

抽帆宦海覺身輕慚愧人傳大樹名噩夢未能忘馬革初  
心且與證鷗盟苦無奇跡酬知遇賸有餘生頌太平笑語  
山東諸父老急收刀劍事春耕

霄路何心振羽翰螯兜依舊換儒冠敝裘典盡書囊在壯  
志銷除劍匣寒十月冰霜時節改一家雞犬去留難真成  
日近長安遠獨向浮雲直北看

楊廷理字清和號半緣又號更生柳州人乾隆丁酉拔  
貢歷官福建臺澎兵備道罷復起建甯知府有知還

書屋詩鈔

綏定曉行

月伴長庚向曉明，煙光澹沱隱巖城。  
薄寒未厭征裘重，長路偏知客騎輕。  
塞樹森森含翠色，溪流曲曲送泉聲。  
到來了卻公家事，一盞清樽話短檠。

漫興

看雲玩雪六年間，人笑癡疏自笑頑。  
釣艇不來伊麗水，甚急舟行如駛芒鞋誰上格登山。  
格登爲伊犁主山終年雪封無人莫能上焉一庭枯柳留空影，尺幅虛花伴醉顏。  
謂雙梧美人圖車馬追陪邊塞久，此心未信出天慳。

城中卽事

半日堅冰半日泥，牽車走馬洩輪蹄。  
風開翠蓋松舒秀，鳥啄青條柳破黃。  
簷溜倒垂新束筍，土膏初動舊方圭。  
廣信賦同

地理於  
方圭  
騎今皆  
堵塞矣

遙知塹道顏山雪潑眼瓊瑤處處迷

菓子溝始有雪卷可容一

將抵洞子頭阻水

沿嶺松杉鳥道斜炊煙起處辨人家西風夜雨連宵泊飽  
聽灘聲走白沙

汪中字容甫江都人乾隆丁酉拔貢有容甫先生遺詩

阮芸臺曰詩學盛唐參以金元顧南雅曰先生詩

於五倫間勤懇而格律一軌於正其性情流露

可想見其爲人樂蓮裳日規樞漢晉取法唐

人不爲博溺不以才馳並世詩人罕與接席

詩話容甫強識高才述學內外篇風行海內不必以

詩重而詩特清越可誦贈黃仲則六首有云相對一

賞音信宿已興誘二君固皆難諧於俗者其

編箴云峭厲峻急不集其福蓋自知之已

靜夜

夕雨秋氣陰淒風入戶靜嘯蛩懷苦心衰草露華冷空牀

生夜寒夢回知漏永展轉聽鐘鳴昏燈照孤影

秋夜舟中作

野岸縱橫路山樓斷續更夜寒江月墮夢醒草蟲鳴水宿  
疲來往愁心問死生客途衣未授珍重倚門情

古詩答方立堂

秋瓜被露井引蔓終不實同受天地生安知我命劣驚風  
吹野草寒泉清露結飛蓬懷故根山川渺難越一身苦不  
保俯仰兩自失勞生理所安感君心察識落日下平林倦  
鳥投故枝如何負同類孤生多受欺黃鵠一失所萬里身  
安歸遠道未云苦卑棲常自危孤鳴時慕侶中夜有餘哀  
焉得君子心忠信兩不疑豫章初萌芽苦蒙霜雪委春風  
草木滋精氣悲已餒惜茲成物艱反恨生材美偃卷猶力

爭委心固所恥日夕牛羊歸旁皇不能已

旅食

旅食秋江上浮生感二毛畏讒多禮數居賤習憂勞野性  
存麋鹿機心對桔槔百年將母計未敢託名高

劍潭移居

身世飄零我自嗟十年三見汝移家蒼苔行處冰猶滑社  
燕歸時日未斜秋雨尙沾鄰院葉春風欲動過門車最憐  
月出停琴夜相對寒梅一樹花

野望

西山朝旭隱高城城下清霜百草平沙岸風迴江鳥墮松  
林雪霽寺樓明澤冰乍合魚猶上礮土方堅麥未生病後  
心懷自知少負薪終日逐人行

客散

客散虛堂靜風簾倦不鉤松篁明夜月枕簟入清秋親老兼多病身孤更遠遊未應中宿鳥相對尙啁啾

秦淮雜詩

明月東西十度圓車如流水到門前青山黃土人多少鏡火笙歌似去年

憶梅何日下西州一曲清淮五月秋永閣畫簾人獨坐烏篷闕盡淚雙流

當塗行

去年江水漲田舍盡漂沒民生各相棄城市半空閉食草不留根掘山類成穴露宿迫窮冬北風凍膚裂嚴寒搏飢火冰炭內潛結盛暑萬竅開霧溼上蒸熱淫雨包積陰駭

陽固不泄是時沴氣作摩空互傾軋或香如爨飯或腥如  
喋血所入至微密所觸卽危阻纍纍行國中人鬼儵存沒  
平生金玉身一病等蠓蟻自非邁天災生命未應絕始知  
泉下人百年多枉折展轉逮深秋餘厲猶未歇野哭反無  
聲不死亦殘荼哀哉此土民際茲厄運烈世世遺生成一  
旦忽灰滅焉知造物心反正有肅殺高歌續天問歎息達  
明發

楊芳燦字才叔號蓉裳金匱人乾隆丁酉拔貢官靈州

知州改戶部員外郎有芙蓉山館全集

詩話蓉裳善駢儷文與洪北江孫淵如齊名出任甘肅知伏羌縣值回民田五作亂圍伏羌君諫內應數人隨機設方略守城五晝夜援至圍解論者比之睢陽玉壁後爲貴郎聲名益盛京朝多暇高文典冊多出其手詩沈博絕麗有金媧香象之觀



暮雨曲

溼雲如夢柳毵毵  
花落鶯嗔酒半酣  
獨倚闌干聽暮雨  
吳娘水調滿江南

廢寺

松杉鬱然深遙指空王  
宅入門無人聲  
棲鷗驚磔磔  
臥鐘苔篆青  
頽牆土花赤  
塵埋狻猊首  
泥壠龍象脊  
古鼎冷不  
然殘僧瘦如腊  
宵寒鬼吹鐙  
徑僻犬疑客  
飛鷗互格鬪  
鳴蟻聚啾噴  
銷磨匪自今  
繁華記猶昔  
劫灰厯千載  
慧眼纔一瞥  
變滅殊無端  
持以問禪伯

喜汪容甫過訪長句贈之

汪生倣儻出世姿  
短衣孤劍將安之  
江湖流浪苦復苦  
人說才奇窮更奇  
相逢每恨來何晚  
掃室殷勤開酒瓊  
穆穆將

何點白葵羹捧出休源赤倉飯狂來不顧世眼驚相對拉  
雜談生平文人失職有同病出吻各作寒號聲君言稚齒  
飢寒迫棄擲詩書最堪惜弱冠方傳作賦才壯年始奪談  
經席五經復興魯叔陵纍纍著作充箱籛心開窾突深莫  
測面若刻畫森有稜奔走風塵飢欲死撐腸萬卷徒爲耳  
肉食難分博士羊草衣且牧公孫豕羌余少小趨雕華斧  
棗繡輓相矜誇愛儲奇字未滿腹慣拈強韻空聲牙干秋  
絕業不同傳君入儒林我文苑須識夔蛇總可憐何當蛩  
蛩聯爲伴坐談不覺日影移榜人催上河之麋卽今一見  
復奚益翻令千里勞相思留君不住我心苦握手臨歧涕  
如雨他時相望越王臺何日同澆趙州土布帆無恙凌風  
颺秋來應看錢塘湖潮頭儻有雙赤鯉盼君寄我英瓊瑤

柳湖

明史紀事本末卷一百

遠火兩三星空波接杏冥雲英浮水白月魄盪煙青客裏  
吟懷闕風前酒面醒聲聲漁子曲獨夜不堪聽

伏羌紀事詩一百韻

聖澤敷殊俗天聲震八紘花門何醜類草竊敢縱橫蒙爲

尋仇啟妖由搆煽成逆回田五謀復新教句引匪鼠牙工

發覆蝸角怒相傾先是賊匪約於本年五月五日起事方

鎮空持重中權孰使令養癰憂內潰躡尾失先鳴賊由海

遠轉掠而南官兵尾追疏於堵截濡滯師將老驍騰敵果勅誰當擒罔象

無計掣長鯨祖厲朝呼渡靖遠從逆賊匪艦船蕭闌夜斫

營西安州營被劫定西仍聚落賊首田五斃於狼山餘黨

安定回匪渭北卻翻城賊眾劫通渭之馬營監葭爾當陽

賊勢遂熾

邑相違一日程號臂虞是齒郝柝魯聞聲中夜荒雞噉高

巖石鼓鏗先是伏邑雞未夜半輒鳴占云有兵又重圍占

月暈大角動星精縣尉能全節五月初九日賊破通將軍

竟殉名明都統孫參將遇賊於高廟山奮勇死綏沙蟲師有劫風鶴信頻驚陸

地機纒發蕭牆禍早萌朝三狙暮四晝伏鼠宵行無奈禾

生莠難教石化瓊搜牢甯有術鉤距遣誰偵城內回民馬

人從賊約爲內狼卜陰謀泄犀然詭狀呈么磨方擾擾數

士獨錚錚義可捐妻子情誰顧舅甥回民馬映龍卽矢心

先告密雪泣自輸誠嘉爾殊慷慨繫余不聽瑩終然邀上

賞可以定輿評五月十四日回民監生馬映龍白中輝馬

粹未能至余督率漢回民夫守城外議以回民不便同守

後李制府到縣以馬映龍等舉發內應守城出力賞給武

弁劄付外眾志堅堪恃狂鋒猝敢攫卧罷吞笮子噉犬搏

狸狽狡窟憑熏灌祇首競抗衡交衢長鍛滿狹巷短刀迎

螳臂窮猶奮蠡眸死尙瞪駢頭填狂獄連頸縛徽纒五月十八日請兵未至而馬稱驥等逆迹漸露勢難復待決計擒捕賊已持械而出當時格殺馬稱驥等四人餘皆先後就縛

內患方消弭前村倏鬪爭烽煙騰土埃賊騎滿山坪十八日賊由縣鄉巴斯坪各村莊驅脅回民大掠而進

跣足夫攜婦摩肩弟覓兄倉皇棄

髻鬣嗚咽哭嫫媪近郭人流血環郭火徹明姚墟餘瓦礫

謝墅剩榛荆縣北五里姚謝家莊有武生姚以甯等率眾拒賊被害尤烈誤或干霄沸

行如一足躉飛揚氛甚惡跳盪色何獮呀闖摧牆壁喧厯

折棟蕘陣雲愁鬚鬣邊日慘光晶滿谷驅牛馬連車藉稻

杭爭先誇矯捷走險據嶢崢賊據天門山距城里許巖邑周防早微

官性命輕俠腸原耿耿獨行信磴磴黑子城三版青萍水

一泓周苛惟誓死傅燮敢求生羯末才無敵羊何氣並英

射雕驚斜律倚馬笑袁宏

時羽書絡繹皆出戴曉嵐暨從兄弟箕山伯初之手而箕山登

城射賊竟斃一人

勢只伸孤掌危還藉眾擎帶刀農佩犢

時招募鄉勇多

至千餘人

持戟士離鬢邑諸生魏輔君王表等

健婦俱行汲羸

童亦踐更奔馳勞僕隸奮勵逮髡黥流人李忠等上城流禦賊頗爲出力

電飛髀落狂雷巨礮轟登陣均受甲給廩免呼庚四日孤

墉在千夫一膽并徒勞設梁麗屢見碎衝朝

賊積草盈車伏車下逼城

屢被鎗石擊斃

天意爲誰怒民心笑爾備

賊連攻四晝夜城上矢石如雨斃其首從百餘

人賊膽懼怯遂不敢復進

如棋爭劫勝似博殺梟羸侵曉憑樓堞遙原

見旆旌煙塵飛候騎笳吹到援兵象主羣陰遜爻占大道

亨危巢徙梟鶴舊穴聚狐麋

二十二日李制府率兵到縣賊戰輒敗遂於二十四日遁

走秦安由底店仍聚石峯堡

自昔恢王度由來仗國楨班資周保傳勳

闕漢公卿福制府暨英勇中堂先後率京兵來

玉節來樞

部銅符事遠征指麾皆頗牧趨走盡韓彭芟舍嚴刁斗輟

門急鼓鉦羽書千里應積粟萬囊盛續挾全軍燠醪投眾

士醒兩甄排稱妮列騎雜斑駁貳負強遭梏防風窘待烹

長圍羅劍槩險道斷溝坑賊堅守石峯堡我兵四面列圍絕其汲道乘機攻勦賊巢遂破

羣慝應簫勺神姦首滿盈臍膏明似燭頂骨脍於菁項骨肥於

春蔓菁見盧全詩困獸攀籠檻游魂戀釜錯肘跗紛磔裂骸骼亂

枝撐烈烈摧枯枿炎炎燎聚竄纍纍俘婦女婉婉曳孩嬰

跼伏難藏迹推求莫遁情自知應斧鑕初不假笞撻縣中從逆

回匪有自底店竄回各村者獲之輒一訊而服革面從文豹遷喬慕谷鶯爾曹生

有路今代獄惟平近奉上諭良善回民仍令安業毋許寬株累有向從新教者許其改歸舊教

大羣方悅明良百度貞直教空貫索奚止掃機槍歸馬秦

川迴回軍華嶽晴豹韜宣偉略龍額錫殊榮福制軍特晉侯爵銘

擬燕然勒歌同漢樂賡歡聲溢鄜市和氣叶韶謨温語傳  
丹宸恩綸出玉京蠲租憐瘠壤給復慰疲氓賚溥金兼粟  
仁先獨與惇遺墟修板屋殘馘掩荒塋奉恩詔凡被賊焚掠傷害村莊均與極優渥痛定微軀在腸迴百感縈失時幾拾瀆懲熱慣吹  
羹彈指龍華劫當場傀儡棚青山招遠夢白水憶前盟關  
隴皇威暢邊陲戰氣清江鄉三畝宅何日好歸耕

過淨因寺

一徑碧叢叢招提在遠峯葉香眠麝草枝偃挂猿松露重  
溼雙屐雲間隨短筇憶同王法護曾此聽清鐘

寒食郊行率爾成詠

天涯冷節最無慘信馬垂鞭過野橋前度園林花事減舊  
時衫袖酒痕銷滿陂新水跳魚子一徑晴煙長藥苗指點



遙村雲樹裏青旗風影若相招

嵐光澹澹水粼粼春到邊城不似春雙鷺蕭閒如傲客孤  
花憔悴欲依人久拋謝客尋山屐空戴陶家漉酒巾儂是  
江南游冶子爲君悵話前塵

賀蘭山積雪歌

君不見賀蘭山色青嵯峨倚天疊幃開煙螺長風盪雲生  
翠波照眼光寒忽相逼千峯一白排空出鷲車夜碾陰崖  
裂陰崖太古雪未銷新雪又復埋巖腰茫茫旱海堆銀濤  
銀濤百丈拔地起玉龍蜿蜒露春尾歎霧拏雲狀譎詭夕  
陽倒影瓊瑤臺憑虛彷彿羣仙來素鸞白鳳紛氈毳決昔  
狂呼訝奇絕肝膽槎枒冷如鐵不識人間有炎熱受降城  
畔寒沙平回樂峯頭孤月明高低激射搖光晶安得手攜

九節杖直上層巔披鶴氅一曲高歌眾山響

讀盈川集

胸羅斗宿爛生光健筆橫馳翰墨場當日聲名出盧駱吾  
家體格本齊梁曾從夢裏分餘錦時向行閒挹古香千載  
懸河流派在爾曹輕薄莫評量

重過彈箏峽

落日亭亭鞭影度長煙四合青山暮彈箏峽裏少人行淺  
瀨明漪照秋鷺巖泉滴瀝成古音仙風飄落寒翠深冷然  
天籟無定譜移宮換羽隨人心客路重聽吟興愜清響漸  
遙人出峽回首殘霞空外銷一痕纖月如銀甲

聞洪稚存入關卻寄

蘭山話別各傷神浩蕩冰天逐雁臣幸免若盧收杜眾還

愁樂浪竄崔駟孤蹤拌作長流客  
溫語旋迴絕塞春  
開盡桃花消盡雪  
兩行紅柳送歸人

雞竿詔向九天頒  
鄭重君恩特賜環  
傳到好音先破涕  
懸知小別未摧顏  
朝搜斷碣窮沙磧  
夜聽清笳度雪山  
萬里只如庭戶近  
輶車聊當採風還

上書慷慨豈沽名  
願効涓埃答聖明  
宣室舊曾徵賈傅  
讜言今已念班生  
親知預擬聯裙屐  
屐邊徼行看洗甲兵  
見買夫須營釣艇  
滄江穩卧願昇平

湖山佳處儘相羊  
鱗舍漁村認故鄉  
築室且教泥水蔽  
著書合付子孫藏  
羈魂恐尙依銅柱  
痕多斯垣有堯時銅柱相傳塞外人死皆歸之  
如中園之歸夢時  
應到玉堂愧我浮沈銷志節  
白頭顏駟有岱宗云

乞爲郎

蓮花博士歌爲吳蘭雪作

鑑湖一曲雲水涯，風吹萬柄紅荷花。放翁醉後出奇語，花  
爲四壁船爲家。滿湖風露涼煙重，冉冉故人來入夢。勸翁  
暫領新置官美酒，百壺當月俸。明妝環立千娉婷，博士合  
以蓮花名。詩人自古有奇福，水鄉別築芙蓉城。眞靈位業  
依稀記瀟灑，吳郎堪作替。夢倚紅香四面風，扁舟棹入空  
明地。今年花發積水潭，接天雲錦紅酣酣。青山窺人出港  
北，白鷺導容過溪南。十剎海邊攜俊侶，君自高歌花起舞。  
角巾微墊紵衣涼，翠蓋輕翻滿身雨。西風瑟瑟零紅愁，乘  
興還續招提游。銀雲湧出大圓鏡，琉璃萬頃搖清秋。畫省  
高閒詩博士，笑指頭銜恰相似。癖嗜從教命屬花，詩人命屬花孟  
東野冰衿儘耐官如水，羨君偶儻才疑仙。珊瑚擊碎詩狂

顛金樽翠管鬪新句瀾翻舌底生青蓮夢游歷歷靈蹤在  
眞見蓮花似車蓋十丈曾舉太華峯一枝穩坐者尼界我  
亦琳宮博士身登樓常憶舊星辰雲階月地如相訪手把  
芙蓉證夙因

撥悶東二三知己和之

仙心禪悟兩難分萬劫靈光一片雲別有閒愁歸洗馬不  
須綺語懺司勳琳函舊識丹臺字石篆新鑄碧落文銷盡  
平生恩怨感清齋夜禮玉晨君

趙廷樞字仲垣號所園太和人乾隆丁酉拔貢官安仁

知縣

曉發樟樹鎮

未曉舟師起鳴榔枕上聞岸風吹浙瀝川日散氤氳野水

多於地江帆半入雲緇塵吾已厭騁目息勞筋

會鏞字在東一字鯨堂晚號復齋泰順人乾隆丁酉拔  
貢官東安知縣有復齋集

旅夜

驚風飄海鳥黑夜入雲間羣失追飛急天高擇木艱迴盤  
鳴欲下倏忽折之還安得幽棲宇青山隨白鷗

袁文揆字時亮號蘇亭保山人乾隆丁酉拔貢官雲南  
教諭有時畬堂藁

詩話蘇亭與兄陶村編次滇詩記略託始蘭蒼槃木  
諸歌下逮乾嘉之際至爲詳審其後昆明黃矩卿琮  
編剛音集石屏許麟篆印芳編重光集相繼廣續天  
南風雅燦然大備先河後海二袁創始之功大矣

哭師荔扉

久聞君言歸眼穿望不至一朝捷足來想必由奉使未及

問無恙計當在途次豈知隨皖公潛霍去游戲駭極頻究  
詰魂飛反無淚翻悔信君歸年餘斷緘字歸計既躑躅何  
不一言示慟哭聲頻吞停雲紛雨墜

雲水渺萬里寸心曾不隔老至戀友生況期善互責邇來  
談經地近君五畝宅若使果歸來應得數晨夕分袂又七  
年關山渺無極回首別雷池永訣已在昔而我癡復癡寤  
寐情脈脈

武都道中

欲歸歸竟遂一路好看山水瀉青羊峽雲封白馬關戍樓  
殘角盡麥隴老農閒時有臨江宅桃花三兩灣

懷蔣修隅同年

貧交意氣自聯翩落拓金臺共幾年大令筆誰譏餓隸小

坡詩已著斜川飲餘白墮顏空壯著傲青袍歲又遷記得  
臨歧勤贈策祇今朔雁到何天

張太復原名景運字靜旃號春巖一號秋坪南皮人乾隆  
隆丁酉拔貢官浙江太平知縣改遷安教諭有因樹

山房詩鈔

石夫人歌

五龍何岩巉蒼翠鎖髻鬢上有石夫人亭亭白雲間白雲  
影落橫湖水照見衣裳明鏡裏當時擁袂泣無聲地久天  
長扶不起風疏石髮森綠苔雲羅靜斂菱花開盈盈漫道  
不能語環珮凌霄疑下來石夫人爾何苦纍纍同化七子  
女奚不奮飛歸樂土陵谷變遷經幾時不轉貞心自今古  
我思鞭山到海東喚爾良人轉飛蓬山頭之石復人化笑



臉相對朝霞紅碧虛攜手共飛去一洗萬古煩冤空霧鬢  
煙鬢竟難改青冥迴立年年有待夫君兮何時還日送雲  
帆向滄海石夫人恨休歇精衛銜石女化蠅宇宙由來常  
多闕望夫之山更何人與爾迢迢競突兀天荒地老同此  
心泣向姮娥訴明月

落星石十六韻

何代星精落拳然此一方卧苔仍磔硯懸象本輝光淪謫  
千秋感堅貞厯劫忘墜來猶射斗叱去豈成羊隕宋知奚  
似支機未可量怪疑蹲虎豹變不共滄桑卻想九天外流  
輝萬丈長台階鄰輔弼壑奎壁接文昌照合通南極高原近  
太陽幾年沈下土閎彩向平岡礪角曾經否埋塵轉可傷  
波凌憶河漢榆白感風霜已隔三霄路還依數仞牆夢應

迷太白奇或拜元章迥異昆明岸難歸帝座旁秋風懷五  
丈化石亦光芒

侯坤字盤石無爲人乾隆丁酉拔貢官廣東鹽運司經  
歷署運同有蠹竹山房詩集

登天門山最高頂

大江之水勢如萬馬奔騰去不回茲山又如橫江鑄鐵不  
與通往來何年卻經五丁力士手神斤鬼斧劈出兩扇天  
門開我登東梁最高頂混茫莫辨水天影松下野樵枕石  
眠謾謾山風吹不醒凌虛忽然似乘舟水雲蕩漾山欲流  
須臾白浪洗出接天千尺練當空一雁摩清秋千林萬壑  
斂暝色且叩禪關卧花窟夜深更欲呼山僧披衣同看波  
心月

山行

扶竹日看山，山人意閒閒。  
秋紅樹外觀，世落花間與。  
孤雲約相隨，飛鳥還何年。  
藏古寺僧立，翠微灣。

王宗獻字仲之號揖山諸城人乾隆丁酉拔貢廣西候  
補州同有求聲集粵游草

江口驛夜泊

繫纜寺邊洲，聞鐘識寺樓。  
風聲江樹夜，雨氣客船秋。  
古驛花峯矗，山城麗水流。  
舟人相向說，南去近交州。

高陽道中

客思茫茫未有涯，又攜春夢上征車。  
荒原落日生燐火，平野西風起白沙。  
吹入詩情如中酒，投來旅店似歸家。  
沿城一帶寒林影，暝色蒼蒼集亂鴉。

劉廷鏞字麟海祥符人乾隆丁酉拔貢有麟海集

詩話麟海少負異才詩哀感頑豔年十九生日賦詩  
結句云如何蠲化三千里未免童心十九年乃甫磨

拔萃遽賦修文  
年祇二十四有四

秋日有懷何小山

黃葉下城早涼風動北樓一鑑昏照雨雙杵夜鳴秋芳草  
人何處浮雲客自愁王孫何爲者桂樹久淹留

吳樗字季文號蘭柴新化人乾隆丁酉拔貢

文斤山

邵陵分郡日仙令在高平縣古浮雲合城荒嫩草生挂冠  
餘俗美解組得身輕嵌空雙石峒長對暮山橫

宋大樽字左彝號茗香仁和人乾隆丁酉舉人官國子  
監助教有學古集

詩話茗香詩宗太白真樸處又雅近王孟豪於酒興  
醜落筆灑落不作凡近語嘗爲五言曰種花莫種桃  
住家莫入城生兒莫早慧交友莫近名符南樵  
以爲不襲前人而如古箴銘實則出自少陵

珠簾泉

香鑪峯頂生紫煙玉京朝罷歸神仙神仙洞府隔人世是  
珠是簾泉非泉珠簾十里等閒事何如常挂青山間清風  
明月入簾去簾中似有人翩翩桃花含笑而未語白石無  
情而誰憐簾兮簾兮胡不捲吾將坐待三千年

贈朱秋巖

髻年別母飽風塵盡改鄉音已十春莫向天涯訴離恨更  
誰知是異鄉人

寄洞霄宮羽士

憶探西谿梅曾飲餘杭酒白鹿天半鳴今復爲誰有我歸

老母旁此樂勝丹房東園桃已熟齒落猶能嘗豈必王母  
遺聊可佐壺觴風吹白雲來時帶溪花香庭前長瑤草呼  
兒飯牛羊

臨平山安隱寺最幽偶往游曷

周覽若有失遙懷輒引領白雲先客在春入空山靜松風  
答樵歌蘿月帶潭影達者能棲心至此更深省

宿湖上

月外帶疏雨空濛水不如僧來人靜後琴弄晚風初揮手  
忽澄霽遙情在碧虛好風吹未已一夕放芙蓉

上徑山

忽在白雲上如浮滄海中雲消常作雪天近但聞風誰問  
棲禪宅曾爲避暑宮道人偏笑客何事入寒空

黃定文字仲友號東井鄞縣人乾隆丁酉舉人歷官揚

州同知有東井詩鈔

李保泰日東井初爲廣東縣令博羅黃池之變身在此  
行間詩吐棄凡俗華妙鏗鏘篇約而意豐格嚴而神  
儻

晉松和樗庵先生韻

阿育王山古靈窟奇氣獨闢天南垂千年靈秀蘊不發乃  
與佛氏留軍持支離老樹獨高踞佛塔偶寄冰霜姿辟如  
陶令入蓮社一笑不見我與而橫空偃蹇掉頭去臭味安  
肯聯莊施顯神藏用葆靈質豈若樗散傳卮詞樗庵先生  
古模楷杖策獨與山林期入山尋松若尋友蒼髯捧手相  
提攜從游更得未曾有如讀異書神爲移昔從圖經見之  
久目所未到心先追誰知聞見總不逮咫尺不到山靈噉

坐久涼月出東嶺山風不動龍吟遲石壇冷落坐未得寒  
光自老千年枝千年游屐幾萬輩詩仙詩鬼來無時都將  
險語供寫照千頌萬偈誰留遺先生一笑拈霜髭姓名落  
落長松知羊公自與峴山古儷以湛等甯非癡聖鑿佛火  
置勿問歲寒之友斯取斯

禪陵行

濁漉城頭北風起夜聞山陽泣山鬼曹家寒食漢家墳翁  
仲無情墮鉛水當時神州悲陸沈兩京陵墓成荒岑祠官  
舊事空投玉校尉新銜有摸金征西將軍老不死墓上曹  
侯竟誰是虎皮羊質五官郎抱頸輕狂作天子豈知剛卯  
摧金刀轉眼又失當塗高赤符未絕中興漢白石先聞大  
討曹至今日暮行山路回首銅臺復何處春雨曾傳賣履



愁秋聲誰覓西陵樹君不見長安石馬嘶昭陵會稽杜宇  
嗚冬青杯土山陽還好在人間玉盃幾飄零

龍門

石樓伊水曲秋浦散斜暉匹馬亂流去衝人雙鳥飛雲歸  
樵擔重苔護佛容肥

兩厓石佛林立

幾日風塵裏山林得暫依

陳后山祠

詩到窮愁合閉門茅廬何處弔幽魂瓣香未肯輸坡老舉  
俗空知愛許渾秋入候蟲吟獨苦春歸脫木晚初溫西江  
宗派當時體尊酒何人與細論

春日張古餘太守招同蘇常二郡守登平山堂

平山讌集追前輩勝日登臨五馬齊鳥破夕陽天遠近水  
分青草路東西欲殘樓閣猶金碧過雨花枝半笑嗚問道

菱春紅芍藥幾圍金帶出招提

秋燕

蕭蕭秋影斷橋東斜掠平蕪逐轉蓬爭似畫梁春夢醒秋  
千紅索海棠風

幾番風雨換年華舊夢還尋王謝家歸去海東雙睡穩絕  
勝孤雁啄蘆花

徐彬字喬生號秀亭丹徒人乾隆丁酉舉人官景州知  
州有海天萍寄贖草

余秋室先生

漢代首徵辟校書天祿深平生酬主志千古愛才心重典  
蓬壺籍旋爲吳越吟寢門期一痛飄泊又而今

張吉安字迪民號蒔塘吳縣人乾隆丁酉舉人官餘杭

知縣有大滌山房詩錄

詩話迪民生有夙根熟誦內典恆言世人沈溺於名利之場皆因我相存於心耳又述蓮池大師之言曰世人官與濃則去官時難過生趣濃則去世時難過嘗以放下二字銘座右詩多警世語

二陸草堂懷古

婉變崑山姿

用士衡句

俊偉產其麓訪古五茸城喟焉歎二陸

將相門華腴文章世推服赤烏銷霸業天意覆邦族辨亡論三篇實自炫荆璞相攜事閭朝羈旅作都督恩威成都王罹禍何乃酷仕宦一熏心肺腑盡成俗漫將千里莼比擬到羊酪不見張季鷹命駕秋風速鱸膾吳淞江鶴聽華亭谷

二陸優劣分士龍較敦篤東吳舉賢良於時年十六入洛正翩翩二俊張華日出補浚儀令平心斷疑獄干請拒黃

門詞直氣嶽嶽王弼夜譚經神鬼亦欽服盧志工譖人遂  
乃肆謠詠造物豈不仁一例遭荼毒三世將不祥西陵誅  
亦酷天道本神明報復如轉轂

王焯字少闖號碧山嘉興人乾隆丁酉舉人官鎮海教  
諭有白華堂集

與陸鏜夜話

每憶故園風日好卽須來就故人論雨餘麥浪碧於水溪  
上藕花香到門水旱沙田饒稻蟹枌榆酒棧及雞豚更憐  
晚飯彫胡罷飽讀殘書秋樹根

李華春字實之號坦庵狄道人乾隆丁酉舉人官清澗  
訓導有坦庵詩鈔

板屋

板屋吾鄉結構工望衡對宇各西東閉門氣冷晨霜裏敲  
枕心清夜雨中輪奐未容誇晉室詠歌久已入秦風竹樓  
遺韻猶堪比月下彈琴四壁空

盤豆驛

疏雨生涼夕照開高梧叢竹淨塵埃歸程喜近秦關外太  
華蒼茫拂面來

數株高柳亂鳴蟬一帶叢蘆冑晚煙爲底今宵歸思切玉  
娘湖上月嬋娟

六盤山

策馬山城曉倍寒紆迴驛路入雲端作書休與家人寄冒  
雪衝風過六盤

張誠字希和平湖人乾隆丁酉舉人有嬰山小園詩集

詩語希和亦當時風雅之士但詩不甚醇粹其五梅  
集二卷詠梅詩多至二百餘首拈題既瑣屑無味亦  
少佳章訪錢塘袁簡齋詩自注云太史稱余詩似竹  
垞文似堯峯其詩實去竹垞遠甚簡齋亦譽之太過  
矣

兩中游慧山秦氏園林

山巔晝忽暝颯然生涼吹憑高俯園林迷濛但空翠晴游  
非不佳既兩轉深邃假蓋問禪僧下嶺款蕭寺入門旋出  
門緩步俄焉至園丁導我行幽景天然異有泉注作池其  
源本第二雲根古苔斑木杪蒼煙膩石徑小橋通深院幽  
篁媚一覽得其全閒身片時寄

包山顯慶禪寺

山行不知遠叢木忽蒼翠青嵐起層岡幽幽隱古寺初地  
肇蕭梁嘉名賜唐帝復有慈受僧結廬傳宋世寺前五株

松落落擎天勢，蚪角不可攀。龍鱗時或墜，山僧頗好名。竊  
附五柳意，揖余爲余言。此樹閱千歲，其下兩石幢。中藏佛  
舍利，別薛試摩挲。其一本無誌，其一會昌年。僧契元書字  
字字空，王言歷歷時。日記頗通瘦，硬神亦饒煙。雲氣幸藏  
深山間，勿爲椎拓累。守拙全天真，斯理得罕譬。少小慕松  
陵，倡和金蘭契。今來精舍中，曾是結遐企。棟宇或劫灰，林  
壑餘古致。我亦煙波徒，翛然願高寄。

訪錢塘袁簡齋太史於金陵之隨園太史有詩贈行  
并題梅花詩話夜宿小倉山房賦

九天珠玉落塵寰，直送西登劍閣關。一夜分明宿天上，來  
朝依舊走人間。似公國士知能幾，愧我平時學未嫻。別後  
峩眉嵩華頂，相思如見小倉山。

五丁峽

懸崖萬仞高飛流橫界道陰風颯立中奇石矗雲表日月  
東西虧雷霆晝夜繞壯哉五丁峽天險闢匠巧行人水中  
行一綫走深窈左防天柱折右恐冰山倒身非猿猱升心  
虞豺虎齧遠峯青濛濛密雨白浩浩牧犢竟得蜀秦人計  
何狡壯士化塵埃遺跡幸未掃雖異巨靈掌絕勝飛鶴爪  
儀錯今安在懷古憂心悄前登羊鹿坪山山嘯悲鳥

泗上亭

泗上亭王業起秦皇侈言萬世君那知亭長是天子亭長  
縱觀秦皇帝喟然丈夫當如此車駕東游厭王氣亭長自  
疑私自喜亭長作天子縣吏爲相國開國君相萃一邑沛  
中邑泗上亭殷亳都周鎬京



吳棫字敬亭礪伯人乾隆丁酉舉人有歲吟錄

吳松厓日遑中古鄴善近數十年武備雄於五涼甲科蔚起亦將中原第求一詩人不易見吾宗敬亭礪伯之詩人也一身之所居游固皆邊塞之真詩其骨力清剛而感發豪宕也固宜

宿三橋弔淮陰侯

客館銜杯說未央淮陰往事正堪傷推心已得逢真主躡足何須立假王卽肯千金酬一飯不難百戰宥三章可憐酒後狂歌日猛士誰人守四方

咸陽懷古

祖龍遺事久荒唐今日青門草又芳渭水東流通砥柱驪山西折走咸陽龍爭久識由三尸蠶食空教畢六王慟沙邱成往事後人猶自賦阿房

中秋夜獨酌

獨坐蕭齋自掩扉  
杯殘僕倦悵依依  
一簾疏雨青鐙暗  
萬里秋風白雁飛  
庾亮樓頭今夜好  
張騫槎上幾人歸  
棲遲祇見添斑鬢  
何日滄江覓舊磯

游郭處士莊

幾里松陰處  
士家亭臺瀟灑靜  
無譁幽人睡起  
渾無事半捲疏簾看晚霞

汪彝銘字寶吉號吉石秀水人  
乾隆丁酉副貢官禹州州判有吉石齋集

青陽縣

勞人戀曉金程途  
起戍夜岡勢復峻  
嶒隨溪上而下峭石  
插遠空一徑通幽  
磽晨曦動林端  
蔥翠光四射樹多山不  
蠻蕭颯安知夏  
青陽古陵陽鎮名尙憑藉  
峨峨九子山陸

地蓮花化此處懷詩仙何年訪書舍

對月

移榻納涼樂事行杯託興閒身月下  
一聲長嘯庭前四顧  
無人

韋佩金字酉山又字書城江都人  
乾隆戊戌進士官凌雲知縣有經遺堂集

丹陽道中

雨過千林滴岸深一河靜樹老就支屋瓜熟全覆井村兒  
貧不丐病婦容能整剝荒倚巖鬼花孤傲秋靚泥牛下阪  
重叢人弄睂暝遠化青山煙陰無萬物影郵程過易忘昔  
游見應省撫心感衰病倦目括風景浪跡無所成江山豈  
心肯

出都兼旬明日是江南境

六渡黃河水車箱鬢欲絲健饒爲客味貧願到家遲湖月  
初弦夜橋霜漸白時路塵纔碾盡已誤菊花期

漢水兩度

漢水不變酒蕭然春若秋清明連夜雨花柳一江愁鼓我  
滄浪櫂何年西北流紛紛峭帆去七日下午揚州

發漢陽宿黃陂縣

送我漢東路東風吹散絲大瓢雲夢酒殘紙筒棲碑竹屋  
魚蠻子江舟水馬兒前勳想韋虎一旅障南司

常州客感

戶小何心對酒觥劫終無復理棋枰吹鐙雨夜衾初薄飄  
瓦秋空夢不成葉落隨風思樹苦江長到海記源清山茶

伐盡雙鬟嫁病榻僧樓十載情

香阜寺

城東五里

長河崇精舍風露軒秋谷土香芝朮暝樹密臺殿複繁花  
眾蝶喜深雲一房宿水容白日靜松門涼月綠聞鐘遂成  
往經過肆間矚無聲堂飯僧有影岸歸牧林晚眾翼喧孤  
禽下尋竹

同陳十錦黃四衛馮三學禮

吳二本春  
塢山寒望

在懷集縣南二里

緒風款冬心零雨補月額方寒節候遲沿溪葉未脫同居  
四五人先期戒朝秣言從萬瓦外一快霜野闊澄水面可  
照疏芳聊手掇縑林企單椒望見久莫達瞻前及翠微願  
後已木末食單先僧廚小憩倚寺闌盪胸遠天開舒眼四

望豁臨賀送寂寥  
隴吏戲乖刺  
漉彼南溪水  
東北流活活  
獨葆在山清  
皎然不敢奪  
歸騎鐘魚催  
來徑羊牛括  
待渡  
尋鹿場植援  
聚魚沫山醉  
習氏池柳記  
袁家渴人村  
暖可  
親舊華戀難  
割長江大扁  
重清湘雁程  
遏勝境無窮  
探所  
嗟故鄉越

楊元愷字湘石錢塘人乾隆戊戌進士官葉縣知縣有  
是亦草堂藁

信步

信步踏秋色疏鐘時一聞風清涼似水山遠淡於雲忽叩  
紫霄觀不逢華蓋君蒼蒼歸路杳松竹帶斜曛

官隄柳

生不願爲官隄柳削皮斬枝若枯帚列樹空存表道名攀

條無復行人手漠漠平原一片塵天涯無樹著青春寒鴉  
落日棲不得孤根月黑如長人人生榮悴都如此得意從  
來偶然爾靈和風度祇當年江潭搖落秋風裏二月西湖  
春尙寒萬條低亞玉闌干誰道東風一種樹江南江北不  
同看

王元勳字叔華嘉定人乾隆戊戌進士官徐州教授有

易圃詩鈔

晨發常山途中矚目

清晨登籃輿逶迤池遵山麓飛流界道鳴弱蔓垂橋綠暖暖  
開初日遲遲展遐矚蒼山互連娟白雲互斷續崖豁出喬  
林溪迴隱叢竹每聞勞者歌因想高人躅煙霞資清真條  
然在空谷

登雨花臺遂謁方景諸公祠

秣陵城南秋雨來西風吹上雨花臺臺高俯瞰白下盡渡  
江雲斷斜陽開江聲如雷走吳楚木葉翻飛塔鈴語龍盤  
虎踞難人居吳宮晉苑知何處梅岡東下謁叢祠野草垂  
花覆斷碑拾得祠前五色石猶疑碧血染當時六朝文物  
終淪喪燕邸少師亦虛妄重懷忠節獨遲留歸看暮靄橫

秋嶂

和錢漑亭夢游廬山觀瀑布歌

聞有金仙控鸞龍縱觀宇宙探鴻蒙朝行五岳雷雨上暮  
宿三山雲海重虛放汗漫未足從聳身直上凌紫穹手攀  
崑崙雙玉峯俯視銀河下注聲淙淙生小學道嗟無功十  
年安神存絳宮丹砂如雪鉛華紅藥成自謂得輕舉罡風



吹落塵埃中咫尺名山不可到何況遠躡萬里浩蕩之遐  
蹤匡廬九疊張屏風昔年江上曾相逢遙瞻瀑布挂蒼壁  
恍訝層霄垂白虹樹色半巖遮欲斷雲陰幾疊穿還通飛  
流濺灑金芙蓉上有五老招我巢雲松輕帆駕浪何怱怱  
猶看練光雪影斷續明林叢回首舊游成斷夢徒餘景象  
羅心胸世間好夢不易得恨君昔夢無由同豈真君身有  
仙骨遠隨顯氣高飛冲七嶺雙闕青濛濛巒阜圍合無西  
東但見水簾不捲千尺垂瓏璫遽然一枕得大適紛如萬  
慮都虛空曾否石梁桂樹下玉杯承露逢老翁如何不獲  
一援手摧眉戢翼歸樊籠學仙不成且飲酒窮愁莫放玻  
璃鍾興發正須尋李白入社自可招陶公醉鄉歲月何從  
容九派雪山帶縈結十洲香草花蒙茸眼底方將卑華嵩

直看海水壁立磨青銅  
吾將與君神游八極相與無終窮

桐溪卽目

桐君未可見溪水自潺湲  
帆挂浮雲外舟行亂石間  
畫眉嗁不住白鷺立方閒  
獨把盈尊酒臨流看暮山

九日同錢竹汀先生曹習庵舍人登陶然亭有作

孤亭直上出疏林檻外飛鴻送遠音  
滿地夕陽明潦水遙空寒色散雲陰  
憑高易下懷鄉淚客久難爲游子吟  
差喜金門多舊識鳳城佳日共登臨

赤沙湖

八月雁南翔湖波接混茫  
水中散村落木末度帆檣  
山遠秋容淡天低夕照黃  
芳洲獨延佇宿莽引餘香

湘中漫興

春風獨上木蘭舟  
漂泊初從楚澤游  
屈宋有魂招不得  
白雲無盡水空流

渺渺春波鼓柁遲  
蒼蒼曉色起愁思  
深林杜宇嘯初急  
花落黃陵帝子祠

章學誠字實齋會稽人  
乾隆戊戌進士官國子監典籍

有章氏遺書

詩話實齋所著文史通義校讐通義一刻於大梁再刻於浙江貴州近年吳興劉氏得王穀陸原編益以已刊未刊諸書都爲一集實齋平生不好吟詠其詩話及書坊刻詩話後醜詆隨園不遺餘力平心論之亦多過甚之辭也

丁巳歲暮書懷投贈賓谷轉運因以誌別

螢苓兔絲杓  
吳石魚桐扣  
青霜豐鐘鏗  
紫氣匣劍剖  
龍虎變化風雲從  
天涯何處無  
遭逢滄澗涇  
渭各自媚  
大壑無

我皆朝宗東海鯤生最蕭索哀駘天選良非惡孤情僻性  
真窮奇乾坤莽莽懸瓠落少年隨眾逐辭場十戰九北何  
郎當秋風黃葉長安道夜雨青鐙村學堂長安米貴居不  
易奉母將家困僑寄摩擬潛消筆墨靈蹉跎暗折江河氣  
掉頭十載京華春蠖屈自詫亦有仲先茅連拔自丁戊文  
章遇合如通神前後司衡矜薦剌疊蒙聖主春風領佳話  
流傳播縉紳風塵耳目爭賜睽誰知管城骨相屯境遷事  
往終沈淪北堂萱謝南路絕衣食奔走嗟艱辛辛丑中州  
尋舊雨失比遂遭羣小侮蘇秦游困既喪資蔡澤途窮更  
奪脯故人作宰肥子鄉爲我休蔭停跟踰笙簧文酒劇歡  
會歲暮風雪忘淒涼壬寅癸卯勤講課北平試擁皋比座  
地交山海少耕糧廟近夷齊嘗苦餓甲乙丙主蓮花池相

國殷勤推項斯琳宮提舉比祠祿所慚患好爲人師相府  
荒涼韓愈罷承蜩伎捷斯文詫朱文曾動天子顏白字竟  
遭縣尉罵丁未又困京洛塵選部有官不敢徇晏歲倉皇  
走梁宋才拙豈可辭賤貧鎮洋太保人倫望寒士聞名氣  
先壯戟門長揖不知慚奮書自薦無謙讓公方養痾典謁  
辭延見卧榻猶嫌遲解推遷釋目前困迎家千里非透池  
宋州主講緣疑夙文正祠堂權廟祝漳潭深院花木饒僑  
家忽享名山福戊秋洪水割荊州大府移鎮蘇虔劉坐席  
未暝又偈偈故人官毫聊相投己酉春夏江南北馳驅水  
陸無休息秋冬往還江漢間災平歲稔旌門閑庚戌重來  
啟書局編摩萬卷書撐屋四年轉輾五遷家疾病殤亡又  
相屬雞犬圖書行李間更堪旅櫬波塵逐人言官畏屢遷

貧何況區區恃館穀自庚徂甲五春秋飽看山青江漢流  
春風草綠晴川閣霽雪梅開黃鶴樓三苗背化唐虞禪軍  
府勞心厲征繕殘篇自爲運籌停終報前軍殞大星三年  
落魄還依舊買山空羨林泉茂祇合馳驅畢此生辭官翻  
似羈官守南豐先生當代奇家學世業儒林師瀛臺星署  
抗高步淮南秉節平度支歐蘇舊治卽家法大雅扶輪聲  
氣冷冠蓋輻輳東南都八公四子慚孤狹潯陽使相東浦  
公乃與公閱爲先容仲夏偕來秋始見白日無檄醫頭風  
先生高誼雲霄上全人肩肩視囊盎問醫饋藥使頻仍自  
慚何以答嘉貺臣之少也不如人況今垂老憂患頻側聞  
方志許參校抵掌伸眉欲圖效眇視跛行別有優此事略  
解陳前籌周官外史領方志成周一道同風治乘杙春秋

各擅名侯國改制非西京志爲國史舉全體陋儒誤認爲  
圖經司書版圖有專職如何方志混白黑封建郡縣今古  
殊民彝物則無隆污行人五物獻當宁風詩采貢國史序  
古人經緯自分明後人不復辨牛鼠獲麟絕筆直至今歷  
史得失可窺尋史遷義本風詩出比興偏長絃外音班書  
典肅原經禮官儀左國融其體蔚宗習染近文人別裁間  
出猶鮮新陳氏三書有微意陽魏陰劉褒貶異造奇蹈穢  
心術殊尙存家法非全誣子顯齊書真破碎史作雕蟲大  
道晦梁齊陳周有完缺自郇無譏一掃穢南北二史誇翦  
裁斷紆敗絮如紛埃唐初晉隋出眾手晉雜隋純非例推  
劉昫舊唐號蕪滓歐宋新書矜後起雖云文省事能增未  
免適屨還削趾歐陽五代世稱奇學究春秋文選史元修

三史明修元大車冥冥塵未已聖人制作是爲經筆削前  
朝萬世型八旗志仿全史例方志當知奉法程乃知偏主  
圖經類夏蟲朝菌空紛爭迂談屢爲時俗笑山水曲待鍾  
期評文定詩才本清穆山僧夜話非論篤辦香偏似遇追  
摩步窘吟詩若局促南豐賢裔八面才餘事爲詩如探懷  
春蠶作繭金鑄鼎化工賦物無安排瑤章惠我見欲啞措  
語無多神相出纏絲厚意渥春温但恐醫門遂多疾欲和  
佳篇屢輟題小巫氣折大巫低晏歲行歸誌留別長歌強  
效鷓鴣嘯

詠史

浩浩今古茫茫長途俯仰上下踟躕微軀學書學劍卓犖  
爲儒橫覽百家高挹典謨騰踔奇偉斯稱吾徒思通入極



目想九區

大鵬一噓而迴溟渤之盈涸黃鵠再舉而知天地之方圓  
世人碌碌爭界於觸蠻之內大人獨立乃能持變化之權  
文弊道散莊生狂言飛騰縹緲宇宙無痕天之濱江之濱  
有怪物不可馴北極羈翎南沈鱗風雷變化成一身已矣  
哉陋儒日嚙章句訓詁何足詢

大道如天不著言詮塵扃揣鑰不可問使我拔劍四顧心  
茫然欲附高飛鶴大風吹南而反北欲騎長鯨魚驚浪駭  
汗如流珠金門青瑣佩玉瑀山齋茅屋聞讀書鵬圖鸚笑  
各有志昂然七尺將何如

登高山而望遠海乃見百川清濁紆疾之不同八方殊風  
雨安能頓使賢愚臭味之交通或山而樵或水而漁獨抱

千古意不可以雜居春風東來入千家桃李參差齊作花  
一壟萬木殊根荻山高巖巖水無涯

仰看鳥高飛再翔復再翔養雛三十年羽翼成文章羽翼  
成文章壯士胡爲嗟嗟戚戚徒心傷珍食盈案咽不暇嘗  
拔劍出門我馬元黃壯心崛強不肯傷悲風吹棠梨春日  
遲遲上覽高山松柏之蒼蒼下俯黃河流水之滂滂中有  
孤客徬徨而躑躅不覺潛焉泣涕之沾裳

伐木丁丁鳥鳴嚶嚶出自幽谷遷於喬木喬木無枝鳥集  
無時徘徊磅礴窮無所之深山有壑大澤有舟吁嗟轉蓬  
隨風飄游青青子衿悠悠我心鼓瑟鼓琴笙磬同音停雲  
在空靄其欲雨旋風忽起飛揚跋扈事變不常中心慘愴  
客行雖樂不如還鄉

破石

破石橫雲路登高意轉迷地中開萬戶天上落千騎斧鑿  
思神禹干戈駭晉師幽靈泣鬼魅元氣壯熊羆自古龍蛇  
蟄懸知虎豹馳周秦居峻極造化擅雄奇風雨從東至星  
辰欲仰披透池三百里直達古豐岐

晚晴移詩匯卷一百終